

三百



文苑英華卷第三百八十一

中書制誥二

北省二

給事中

授于惟謙給事中制

李嶠

鸞臺文昌右司郎中于惟謙局量宏深理識精遠幹能兼備詞  
學並優會府提綱雖行才用瑣闥待問更資弘益宜登侍從之  
職以光清切之署可朝請一作議大夫守給事中

授于經野給事中制

蘇頌

門下尚書兵部郎中上柱國于經野雅量端實閑譏密靜有恒  
其操無擇斯言理必中於繩墨才見推於札翰中臺奏草已承  
更直之榮左曹顧問宜接雙遊之美可朝請大夫守給事中勳  
如故

授李懷讓給事中制

前人

黃門朝議大夫尚書兵部郎中上柱國李懷讓直方自守貞獨不辟理可拆於毫芒文可成於藻繪雖手揮繁綜而心寄閑遠彌綸所屬嘗推起草之能駁正是司更接遊蘭之寵可守給事中散官勳如故

授柳渙給事中制

前人

勅朝議郎守尚書司門郎中柳渙學思優博禮容莊敬蘊公直之志有廉正之風早以聲華亟從推擇丹墀列侍必遷英髦青闈命官宜參顧問可守給事中散官勳如故

授褚廷誨給事中制

門中朝議大夫守諫議大夫上柱國褚廷誨師臣舊業官序良才文儒是百行之資翰墨當一時之妙駁正為務疇

咨所難宜遷左禁之榮式允中朝之望可守給事中散官勳如故

授裴遵慶給事中制

賈至

勅禮部郎中裴遵慶清正介直公才雅望智能利物行可檢人今東夏務殷宰臣任重是資髦士以左輔軒宜居駁議之職仍領銓衡之務可給事中

授崔寓給事中制

前人

門下會稽大守崔寓職敏而周器清而直有冉季之政事兼應劉之詞藻累昇臺省咸以才遷驟歷藩條時惟德舉左曹樞近爰司駁正宜擇士林之秀俾參鸞諸之榮可給事中

授張孚給事中制

前人

勅司膳郎中張孚果行育德疏通知遠是瑚璉之良器抱豫章

之美材文以澡身屢得詞場之儔公而直操更推吏道之能譽  
洽禮闈風清憲簡宜擢拜於青瑣俾駁議於黃樞可給事中

授賀若察給事中制

常棣

門下中散大夫行尚書吏部郎中賀若察講求學術藻飾藝文  
顧言行以檢身酌智能以經務任叅六典選重一時從容管劇  
每職通而理當達練起草亦體大而思精聲猷益茂公望惟允  
分曹殿中職在論駁尚書奏議俾爾平之可給事中散官如故  
主者施行

授崔侁蕭直給事中制

前人

門下銀青光祿大夫御史中丞東都留臺崔侁峻而能通和而  
有節朝議即守太子左庶子賜紫金魚袋蕭直性資高朗議詰  
冲妙各以文儒致用貞亮處心集作自處持綱憲府必執其中贊事

官坊允歸於正彰聞望於公器振英華於士林顧茲掖垣素用  
髦彥文昌奏議多所論駁俾承竝命式副良選侁可行給事中  
散官如故直可守給事中散官賜如故主者施行

授趙涓給事中制

前人

門下朝議郎檢校尚書吏部郎中兼御史中丞賜緋魚袋趙涓  
純曰高朗儒林表儀炳文楊彩時謂清拔早以賢良茂異服我  
周行歷踐三臺之列嘗叅二陝之佐其於事典多所精詳頃昆  
荆舒尋罷戎務近侍方缺選才正難評南宮之上書次東廂之  
奏事夙夜思職爾無面從可守給事中散官次如後

授常諤給事中制

前人

門下通議大夫行尚書吏部郎中彭城郡開國公常諤在人  
德承家積厚先制美以施政終秉彛以存誠朝之清序多所階

歷叅我六典冠于諸曹學以辨疑文以决滯五年勤職時謂淹才宜守集作侍從殿中以平臺議詔書未當實得封還官能守常事行歎失中是有選用爾其揚之可行給事中散官封如故主者施行

授鄭覃給事中制

白居易

勅給事中之職凡制勅有未集作不便於時者得封奏之刑獄有未合於理者得駁正之天下寃滯無告者得與御史糾理之有司選補不當者得與侍中裁退之率是而行號爲稱職固不專於掌侍奉讚詔令而已中大夫行諫議大夫雲騎尉榮陽縣開國男食邑三百戶鄭覃清節直行正色審詞集作寡言先臣之風藹然猶在自居首諫益勵謇諤擢領是職必有可觀亦欲天下聞之知吾獎骨鯁之旨來諫諍之道也可行給事中散官勲如故

授孔戣等給舍制

前人

勅渾金璞玉方圭圓珠雖性異質殊皆國寶也是故能官人者亦辨而用之諫議大夫孔戣靜專貞白不涉聲利執言守事無所依違駕部郎中薛存誠廉潔直方飾以詞藻中立不倚介然風規吏部員外郎王涯端明精實加之以敏懿文茂學尤推於時竝歷踐朝行恪勤官次諫垣郎署藹其休聲宜加公獎擢在近侍左右禁闈可以同升必能評奏臺議發揚論誥臨事有立屬詞可觀各隨所長分命以職祗奉乃事無替厥猷戣存誠並可給事中涯可兵部員外郎知制誥

授竇易直給事中制

前人

勅前御史中丞竇易直器質識智厚重開敏文合法要學通政經累踐臺郎權司邦憲寬猛舉措甚得其中官不易方府無留

事前因病免今以才遷俾升瑣闥用集作備顧問夫制令奏議官獄典章苟有依違皆得駁正所任不細宜敬乃官可給事中

授崔壽給事中等制

崔墩

勅瑣闥冠三省之高奉常列九寺之右凡所選擢必俟才賢惟爾壽以賓筵雅度早踐霜臺儔以正殿雄詞超昇省署文雅當於題柱列郡洽於寒惟迭居貳尹之雄竝處亞卿之列而皆本而敏發為文學王在涅而不淄金投火而彌勁眷言久次一作春闈是用遷昇我有絲綸期汝論駁我有金石資爾諧和無忝官常自貽公謙一作壽可給事中儔可太常少卿

諫議大夫

授薛稷諫議大夫制

蘇頌

門下中散大夫行尚書禮部郎中脩文館直學士河東縣開國

男薛稷奕大雄詞身濟其美光時雅量士慕其風故能懸帳絕倫昇堂觀奧掖垣密勿字列黃纁仙闈從容文一作雲飛赤管箴闕之任惟賢是擇俾登才子式寵諫臣可諫議大夫餘如故主者施行

授吳兢諫議大夫制

前人

黃門朝議大夫前行尚書水部郎中兼脩國史上柱國長垣縣開國男吳兢雅思周密素風清曠著書微婉東觀是稱起草閑達南宮所重宜列諫臣之位復膺良史之才可守諫議大夫兼脩國史散官勳如故主者施行

授尹愔諫議大夫制

孫逖

門下古者署掌諫之官立司過之史所以書君舉箴王闕不次而授唯才是與道士尹愔識洞微妙心遊淡泊祗服玄言弘敷

聖教雖渾齊萬物獨詣於清貞而博通九流兼達於儒墨朕方  
貴無名之樸期不言之化資其妙道寘彼周行宜居納誨之職  
仍存記言之地可朝請大夫守諫議大夫集賢院學士兼知史  
官事

授宋渾諫議大夫制

前人

門下朝議大夫前行尚書駕部郎中上柱國襄國縣開國男宋  
渾清才敏識人望時英才可易量將其必復頃辭省闈言侍庭  
闈雖私心則然而公用久闕策名委質非無古人之訓移孝為  
忠宜在諍之列可守諫議大夫散官如故

授楊慎務諫議大夫制

前人

門下太子右贊善大夫兼御史專知大府出納權知御史中丞  
事楊慎矜堅正有才通明足用久持天憲兼掌國臬竭忠公之

一心杜訛偽之千變爰升獨坐用肅具寮而潛懇固一作辭執  
謙難奪願收恩於後命祈盡節於前功得失不驚將敦薄俗始  
終如一以勸守官特遂由秉之誠仍居出納之任一作納一作職一作可行  
諫議大夫兼侍御史仍依舊知大夫出納

授高適諫議大夫制

賈至

勅監察御史高適古

一作立

節貞峻直躬高郎感激効

一作懷

經濟

之略紛綸瞻風

一作文

雅之才長策遠圖可云大體謹言

一作毅

一作義

色寔謂忠良

一作臣

宜迴糾逖之任俾超諫諍

一作諷

論之職可守諫

議大夫

一作皆舊唐書

授張鎬諫議大夫制

前人

門下侍御史南汝疑節度判官張鎬崇德廣業宣慈惠和主善  
為師志古之道或直而溫可以居諫諍之任或強而誼可以在

準繩之職或理而敬可以司草奏之繁官得其人鮮有敗事列于鴛鴦僉曰惟允可諫議大夫

授暢璿

總目作楊璿

諫議大夫制

前人

勅為川者決之使導為人者宣之使言故堯有敢諫之鼓誹謗之木此其所以聖也楚靈稱兄箴諫吾盡知之無怫吾慮此其所以敗也朕嗣守鴻業時方艱難實賴有位之士匡其不及故注意諫臣必求諸道關內益河判官暢璿願貞養正精潔惠和有質直而無流心秉忠信而持讜議頃歲去職晦跡丘園愛其身以有待養其志以有為厥德不泯允諧司議可兼諫議大夫餘如故於戲宮之竒懦不能強諫春秋以為之失常臧僖伯繼論納郤昪君子稱必有餘慶予遣汝弼汝無面從

授王廷昌

諫議大夫兼侍御史制

前人

門下古者天子有諍臣七人而事君有隱無犯故能獻可替否從諫則聖京兆少尹知雜王廷昌學于古訓秉心塞淵以文藝之資飾幹時之器頃者彌綸省闈綱紀臺憲舊章克舉雅望攸歸貳政浩穰雖藉其條理列職規諷更思其讜直諫大夫之密侍御史之雄爾宜兼之以匡予理可諫議大夫兼侍御史知雜餘竝如故

授宋晦諫議大夫制

常乘

勅通議大夫檢校尚書兵部郎中兼侍御史上柱國宋晦忠潔簡惠和而不流理暢思精適於郡務位以才達政以禮成往者理軍岐陽贊我戎事集無此字重艱貞之操義有可懷臺閣更拜久於清秩外掌邦賦任居其艱集作難底慎均節以資經費事皆求當慮不及私積勞可書責實當進加以亮直行之有恒屬諫臣



之高選叅髦士之又用以匡不逮無伏嘉言可行諫議大夫散  
官勲如故

授李收諫議大夫制

前人

勅書曰后德惟臣不德惟臣實賴左右前後有位之士匡其不  
及天子有諍臣職在司過若有犯無隱獻可替否則曠然丕變  
時惟休哉中散大夫前行尚書兵部郎中贊皇縣開國男李收敏  
而好學聞以彰之清澹寡欲不可得喪干慮徃屬時難保茲艱  
貞事君之節足以存勸歷踐郎署率由舊章而仗雅居正可參  
諷議無或尸官以罔聞當灼見以箴闕也可諫議大夫散官封  
如故

授崔郾諫議大夫制

元稹

勅朝散大夫守尚書吏部郎中上護軍崔郾昔我太宗文皇帝  
以魏徵為人鏡而姦膽形於下逆耳聞於上及徵沒而猶歎過  
失之不聞夫以朕之不敏不明託於人上月環其七而善惡幾  
然豈諫議之臣未盡規於不德邪朕甚懼焉以爾郾端愿集作厚  
誠明濟之文學柔而能立謙而逾集作命光命汝于代莫無過於  
戲宋景公一諸侯耳尚感列星集作而陳星退之詞齊威王獨何人哉  
能辨日聞之候爾其極諫無隱朕不漏言可守諫議大夫散官  
勲如故

授元晦諫議大夫制

李德裕

勅昔汲黯薄一作為淮陽守願出入禁闥補過拾遺則諫諍之任  
實資諒直我求其此今得正人吏部郎中元晦徃在內庭嘗感  
先顧奮發忠懇不私形骸俯伏清蒲至於雪涕數共工之蔽不  
罪堯聰辨垣平之詐益章文德近因旌別邪正宰弼言上以魯

公藏畧莫不寘革於左右漢右輯檻孰若列游於公卿是用命爾登于文陛爾其副我寵擢不替初心勿沽小名以枉大節勉服官業期於有終可諫議大夫

授李方右諫議大夫制等

崔嘏

勅居諫納之地副銓綜之司致予聰明適彼倫要自非端方正直之士檢身御衆之才則何以輸及雷之忠誠奉提衡之藻鑑爾等皆擢秀瑤林飛華桂苑早登俊造共許清貞入憲府而自竦孤標歷文昌而更光列宿分符茂積遠繼於龔黃視草雄詞舊推於賈馬是用擢居右省陟彼首曹爾宜徵五諫之詞佐三銓之任無疑逆耳必在精心勉服寵光益揚善價可依前件

授姚勗右諫議大夫等制

前人

勅朕高居穆清端拱思理尚慮旒纁蔽吾聰明故精求見納之

臣投我藥石之語而天官正郎地蓮藻鏡職佑銓衡必資必幹之才以副經通之目以勗端方雅厚正以操心以簡求和易周旋敏於臨事而皆富文奧學早昇俊造之科利用長才累處重難之任是用擢於粉署置在禁垣昇自外郎膺茲首選爾其詳求五諫詒右三銓勉思及雷之忠更致提衡之美勗可右諫議大夫簡求可吏部郎中

授董禹左諫議大夫制

薛廷珪

勅朝廷具位之臣得直言天子過失大平之基也矧司我諫議列吾軒墀啓乃心而沃我心盡爾言而攻我過眷求之道時惟艱我具官董禹疊中詞科優有文藝西漢故事甘泉遺儀聞其討論多所詳悉速事先帝頌揚直聲徵還周行歷踐臺閣靡所附麗能精典墳秉持公論推其材術鄉校言乎淹恤今擢爾為

諫議大夫置朕左右勉揚厥職往副旁求夫立肺石挹馭樽扶  
將顛祛未寤在履正直務去將迎爾或推公朕豈憚改書紳銘  
座服我訓詞佇稱人情勿孤朝獎可

文苑英華卷第三百八十一

登仕郎胡柯

鄉貢進士彭

叔夏校正

文苑英華卷第三百八十二

中書制誥三

北省三

中書舍人

授鄭勉紫微舍人等制

蘇頌

黃門朝議大夫守給事中鄭勉措一作留心精覈允明理體朝議

大夫尚書庫部郎中戴今言屬詞方雅深達政端咸蘊公忠備  
聞學行紫微星拱必佇賢臣青闈雲連實旌奇士

專文事

中散官各如故主者施行

授崔琳紫微舍人制

前人

黃門正議大夫行尚書屯田郎中上柱國魏縣開國子崔琳素  
履一作履純懿清心諒直文辭為從政之端忠孝是立身之本分  
符作牧共賴仁明賜筆題工咸推練習掖垣近密禁省旁求宜

遷振鷺之行用集栖雞之地可行紫微舍人散官勳封如故主者施行

授王立紫微舍人制

前人

勅通直郎紫微舍人內供奉王立思會風雅文成典謩介獨為操直方

近其華望自弘

青瑣事密黃纒

頡頏歲年籍甚聲聽俾弘詞禁之美宜正掖垣之秩可守紫微舍人散官如故

授齊澣紫微舍人制

前人

勅朝議郎守給事中內供奉齊澣運心獨邁懷器獨立屬詞每窮其雅實臨事益表其甄明故能早負聲猷備經推擇左曹駁議常接於隻遊右掖司言佇光於五字可守紫微舍人散官如故

授達奚珣中書舍人制

孫述

勅朝議大夫守職方郎中兼試知制誥達奚珣文學素優忠勤克著自經試用備聞詳密草奏南宮已擅一時之妙掌綸西掖逾彰五字之能宜就列於即真俾正名於近侍可守中書舍人散官如故

授賈登中書舍人制

前人

門下朝請大夫守給事中騎都尉賈登脩詞自達守道為師有大雅之文章稟中和之德行駁正之地已著能名綸綍之司更膺高選可守中書舍人

授梁涉中書舍人制

前人

勅朝議郎守尚書兵部郎中梁涉通明致用博雅為文才冠時英望高人譽五字之選一臺所推宜旌起草之能俾効司綸之

職可中書舍人散官如故

授常斌中書舍人制

前人

門下國子司業常斌貞規不雜敏識惟精標麗則以工文秉直聲而濟美又從散秩未展清才豈避姻親遂妨公用宜持昇於禁掖俾專於司言可行中書舍人

授李玄成中書舍人制

前人

勅朝議郎守尚書考功郎中仍試知制誥兼知史官事李玄成中和有裕直道自然文章為致用之資慎密是周身之本又司綸綍深愜器能宜拜命於即真俾甄才於是可可守中書舍人兼知史官事

授杜鴻漸崔倚中書舍人制

賈至

勅知中書舍人鴻漸等忠肅恭懿美秀而才蘊清通之理議兼貞固之幹能用制軍誥允屬夏卿持衡審官時惟小宰慎擇多士僉曰爾諧宜當銓綜之劇仍掌絲綸之任鴻漸可守中書舍人判武部倚守中書舍人判文部侍郎

授裴敦復中書舍人制

王立

勅朝議郎檢校吏部郎中裴敦復等並行標純一材蘊經通或學辨文鼠該綜兼於隱顯或詞握靈蛇光輝映於夷等職居要劇聲振發揮近密之職搜擇宜精俾對掌於絲言兼聯華於省闈可依前件

授崔翹中書舍人制

前人

門下朝議大夫守給事中崔翹學行自中方直形外明而能晦簡不違謙始方蔚於文章終激揚於吏道駁議既久要密逾遷宜自理貂之司俾參鳴鳳之掖可守中書舍人散官如故

授李彭年等中書舍人制

王從敬

門下朝請大夫守給事中李彭年等器業弘深風規穎秀士林  
楨幹文苑英髦並綜覈前言開習政事瑣闡駁正既稱詳密盡  
省彌綸允推精練俾遷掌於綸綍咸列侍於軒墀可依前件

授裴度中書舍人制

白居易

勅司勳郎中知制誥裴度以茂學懿文潤色訓誥體要典麗甚  
得其宜施之四方朕命惟允况中立不倚道直氣平介然風規  
有光近侍臺郎蒲歲班列當遷綸閣之職所宜真授可

授崔群中書舍人制

前人

勅庫部郎中知制誥翰林學士崔群端厚和敏飾以文學温良  
忠敬得侍臣之風自列內朝兼司誥命事煩而益密職久而彌  
精六年于茲勤亦至矣况小大之事常所訪問盡規極慮弘益

居多所宜寵以正名式光禁職敬乃嘉命其惟終可

授賈餗等中書舍人制

李虞仲

勅叅掌宥密斧藻訓誥侍立於文陛之下揮翰於禁署之中非  
第一流不在其位朝散大夫守太常少卿知制誥上柱國賈餗  
器範温雅詞藻弘麗朝散大夫守尚書職方郎中知制誥上柱  
國清河縣開國男食邑五百戶崔咸學探奧旨文有正聲而皆  
公論所歸清規擅稱比美玉而光彩外溢服華組而煥耀揚輝  
荀大章之才

識王濬

冲之質則損乎文佇爾酌中明吾試可無使相如視章專美於  
前時也其懋承之鍊可守中書舍人散官勳如故咸可守中書  
舍人散官勳如故

授李激給事中鄭涵中書舍人等制 前人

勅舉才命官得人斯重詢事考績稱職爲難况駁正違失典司  
文誥叅我密命爲吾近臣非望實兼優則不在茲選朝議郎前  
守諫議大夫知匭使上騎都尉賜緋魚袋李澈清標雅裁器韻  
不群贍學積文泉源益濬有濟入經國之術資適時利物之才  
朝散大夫守尚書司封郎中知制誥上柱國鄭丞操履堅明雄  
文炳蔚虛懷廣遠雅思沖深立言嘗見其著誠秉志頗聞其經  
遠夫澄其源也必清其流端其本者必正其末其便蕃禁掖潤  
色王猷若不可以私其人臣不可以虛其受簡材既因於朕志  
當官爰俟於爾能期有嘉聞以光茂選澈可守給事中散官勳  
賜如故涵可守中書舍人散官勳如故

授李訥中書舍人言大理少卿制 崔嘏

勅禮部郎中知制誥李訥等彰施帝載潤色王猷朝出乎九重  
夕馳於四表必資其金相王立之器懷蛟吐鳳之才以發揮人  
文流布天澤而臯繇作士暮明以贊至理定國持刑公平而昌  
後嗣使疋婦無霄霜之歎遐毗離東濕之寃陰陽氣和手足可  
措必在乎理獄之官明慎明刑哀矜守法今訥言等皆以器能  
犀利文彩光華演綸推倚馬之工部竹著懸魚之化以茲遷擢  
誰曰不然勉吾右文恤刑之意也訥可中書舍人言可大理少  
卿

授裴諗中書舍人制 前人

勅居禁密之地聞善則遷當演綸之工有勞斯陟此所以光吾  
侍從榮彼樞紳翰林學士司封郎中知制誥裴諗家承茂勳身  
有羶行早襲弓裘之業克隆堂構之基閑澹自居翬浮不染自  
擢居內署掌茲制命謹密無曠馨有香聞問對備見其一心敏

捷共推其七步况臧孫有後且聞得鳳之音枚乘多才雅蓄雕龍之妙爰因蒲歲授以正名爾宜思弘用以致君勵精成而正已慎爾聞見奉吾周旒無彰温樹之名克保詞林之美可依前件

授秘書少監賜紫盧光啓守中書舍人制 錢珣

勅西省設官之重實代吾言故脩禁之章漏泄居其守而稽緩次之受選者率用靖然專敏之士然後若疑作爲得其官盧光啓

勵精不怠處默有倫定志而靜專其謀好古而敏求其要摠是

四善謹于一心則攻學與文嘗試之於禁闈矣能於一作能居又作而能

散地自安素風不去乃資公論復典訓辭夫入官惟勤執事惟

敬苟視禁以無犯則立身而有章行之克終利亦焉往可依前

件

授祠部郎中知制誥賜緋王鉅守中書舍人制

勅遷不欲速則人將兢遷而不安其職也掌誥故事多用外郎

歲滿而升乃正郎位歲又滿始得其秩所以持重官次展張辭

業有毛羽者不亦樂於翱翔乎具官王鉅敏於內而秀於外其

發也為文章棲於禁垣奮以健筆若夫規格罔有輕浮試之三

年未嘗亂日且聞講學必務本根今掌誥再遷壹如故事論諸

游官於爾甚優兼佩金章俾光飛步自茲而往厥路彌高敬而

行之何患不到可依前件

授翰林學士鄭廷昌守本官兼中書舍人制

授翰林學士鄭廷昌守本官兼中書舍人制

勅以爾彰纓著稱夢筆為文富以美才披其禁闈典由中之詔

勅以爾彰纓著稱夢筆為文富以美才披其禁闈典由中之詔



成布下之言方謂得人雅當入侍蓋聞羊祜謀議是草皆焚周  
仁重厚其言不泄親近之地慎密為先爾既不能何爽居外西  
省亦吾教誥之地戒之可矣可依前件

授膳部郎中知制誥錢珣守中書舍人制 薛廷珪

勅具官錢珣孟子不云虞舜聞一善言見一善行若決江河沛  
然莫之能禦也朕凝神穆清耽味墳史用爾掌綸誥時推得人  
觀其書詞夙絕塵滓褒貶盡春秋之要指歸決訓誥之源流傳  
聞四方平視三代而秉守甚正韜藏有程介然獨行卓爾清峙  
閱爾之能事多矣聆爾之嘉猷藹然信乎虞舜之心若江河之  
不能禦也俾即一作直秩斯為舊章夫叅贊樞衡典司綸綍職  
業彌重扶搖漸崇勉副東求無孤寵侍可中書舍人

知制誥 授中書舍人

授吏準楊炎知制誥制 棠來

勅中大夫行尚書吏部郎中上柱國夔檢校尚書兵部郎中充

山南集作副元帥判官賜緋魚袋楊炎等詔令之重潤色攸難

其文流則失正其詞質則不麗固宜酌風雅之變參漢魏之作  
發揮綸旨其在茲乎爾各以茂才碩學敏識純行俾其對掌可  
謂得人仍轉郎中式光朝選準可尚書職方郎中知制誥散官  
勳如故炎可守尚書禮部郎中知制誥賜如故

授郝昂知制誥制 前人

勅朝散大夫檢校尚書司勳郎中郝昂冲和簡朴不飾其外有  
雄俊之才可變風雅有精深之學實究儒玄加以忠敬兼之量  
直率由茲道可謂正人夫化成天下在於文臣朕不逮主於諫  
敷暢綸旨箴規朝闕所掌皆重爾其懋哉可守諫議大夫知制

誥散官如故

授常覬給事中庾敬休兵部郎中知制誥制

白居易

勅職之要莫先於駁正文之選莫難於司言將使朝綱有條朕命惟允在二者得人而已中大夫使持節蘇州諸軍事守蘇州刺史上騎都尉常覬精微專直通乎事典可使平奏議而坐左曹朝散大夫守尚書禮部郎中上柱國庾敬休温裕端明飾以詞藻可使書誥而立西序集作而專而輪轅鑿納各適所宜夫惟刺使守列城郎官應列宿列任倚注一作寄非不榮重然吾左右前後方求正人如覬敬休不宜踈遠亦猶有聲之玉無類之殊不致於佩服之中掌握之上集作不致於佩服皆非其所也宜自敬重無忝吾言覬可行給事中散官薰如故敬休可尚書兵

部郎中知制誥散官勲如故

授獨孤郁守本官知制誥制

前人

勅考功員外郎史館脩撰獨孤郁為人沉實敏行寡言粲然文藻秀出於衆累升諫列再秉史筆洎掌功論率以直聞求之周行不可多得而掖垣近職綸閣重選俯詢時議爾宜居之

授錢徽司封郎中知制誥制

前人

勅中臺草奏內庭掌文西掖書命皆難其人也非慎行敏識茂學懿文四者兼之則不在此選祠部郎中翰林學士錢徽藹然儒風粲然詞藻縝密若玉端直如弦自叅禁司益播其美貞方敬慎久而彌彰應對不見於摠經奏議多聞於削一作焚臺追今六載其道如初嘉其忠勤宜有選擢俾轉郎吏仍叅綸閣茲乃榮獎爾其敬承可依前件

授獨孤郁轉司勳郎中知制誥制 前人

勅考功員外郎知制誥獨孤郁學識文行時論所推選自外郎擢居右闈綸言樞命既重且難委以發揮甚聞稱職而端量忠謹介然自居爲臣若斯足可嘉獎官當滿歲職亦逾年宜從美遷以光近侍可司勳郎中知制誥

授裴諗知制誥制 崔嘏

勅傳曰有功德於人者其後必大伊爾烈考勤勞王家出有平寇之功入有致君之志式多令嗣以承清基惟爾諗生而有文弱不好弄中蘊明敏外涵清和藹然君子之風鬱有賢人之操自擢昇翰苑入侍禁闈動必知機靜而適道大王之韻清越以長小山之姿貞芳自茂是用資其粉澤演我絲綸斧藻方耀於鳳銜揮灑更期於鴻筆式光帝載無鬱玉猷可依前件

授考功員外郎賜緋王鉅駕部員外郎知制誥制 錢翊

勅某官某夫舉典申命以進退在位之士而指其否藏兼儆百職者本乎聖人之法言也法言之不爲浮言而已知言之士過實必羞因使出辭當能近法鉅積中有美欬昧而彰永惟季父令名常恐所承不以一作似百川學海進則至焉吾欲激而成之是以擢居禁省往司明語罔畔法言至不漏不踰茲爲能矣可依前件

文苑英華卷第三百八十二登仕郎胡柯鄉貢進士叔 校正

考選員外郎知制誥...  
文苑英華卷第三百八十二  
和甫刊

文苑英華卷第三百八十二  
中書制誥四為卦題以對  
蘇頌

文苑英華卷第三百八十三

起居郎

授韓休起居郎制

勅朝議郎左補闕內供奉判尚書主爵員外郎韓休理識清暢

襟靈夷雅操學精微屬詞婉麗甲科對策嘗副求賢左史記言

用觀書法可行起居郎散官如故

授賀知章起居郎制

勅朝議郎

前行戶部員外郎賀知章業優詞學時重才行

稟精微之高妙體仁恕以明達必能書法不隱立言可觀宜迴

職於版圖佇擅聲於鉛筆可行起居郎散官如故

授楊齊宣起居郎制

孫逖

勅朝議郎前行左補闕楊齊宣規行介立守道安貞雅致表於  
文詞清標傳於緒業頃叅諫職考績已深自開謝病歲年滋久  
雖宰臣立節每避舉親而公器湏才終難滯用宜發命於終旨  
俾分官於左言可行起居郎散官如故

授裴綜起居郎制

賈至

勅左史記事君舉必書先王之制也晉則董孤書法不隱楚則  
倚相能讀典墳善惡成敗實由其本慎擇端士永難其人殿中  
侍御史裴綜緒業清純言行純敏俾之直筆庶勗厥官可行起  
居郎

授崔瑤等起居郎制

崔暉

勅載筆赤墀之下掌禮曲臺之中注記行而鉛槧是資褒貶當  
而縉紳知懼顧茲所職豈易其人而擢備宮僚亦為佳選以瑤  
貞規素履紹克儉之家風以碣秀質清門承定傾之祖德以贍  
雄詞麗藻躡珠履於賓筵以景耒退跡安時寄霜華於憲一作  
暑我之自得爾亦薦聞各膺寵擢之榮自有雲霄之路可依前  
件

起居舍人

授大子舍人劉如王等右史制

李嶠

鸞臺朝散大夫行大子舍人劉如王朝散大夫檢校麟臺著作  
佐郎崔融等並言芳蘭並行溫珪璧或譽美銅樓或名高石室  
記言之重選衆尤難宜收博辨之才俾居良史之任並可行右  
史散官如故

授洪子輿起居舍人制

蘇頌

勅通直郎著作佐郎洪子輿雅淡不群清真自遠學探微旨詞

造幽典立心有恒慕直臣之節書法無隱可稱良史之才俾列  
軒墀益光銘勅可守起居舍人散官如故

授崔銑起居舍人制

前人

勅朝請郎前試一作守通事舍人崔銑識遠心明懷才蘊藝缺俾  
盡記亡篋不遺實朝序之英髦為士林之俊拔趨侍西掖洽聞  
東觀期書法以無隱俾舉能而有聲可守起居舍人散官如故

授陳九言等起居舍人制

遜遜

勅朝議郎守太子舍人攝殿中侍御史朔方節度判官陳九言  
朝議郎行大常博士兼史館脩撰劉貺等清才雅望敏學工文  
是周行之俊人有致遠之良具史臣之選公議所一作歸宜並  
拜於軒墀俾分官於左右九言可行起居舍人散官如故貺可  
行起居郎餘如故

授孔述睿起居舍人制

裳袞

勅宣議郎試大常博士東都河南江淮南道等轉運使判官孔  
述睿左右史正用第一流其選殆精於尚書郎也今東觀諸儒  
皆約注記而脩簡冊事之當否多取正焉以某集作爾聖人之胤  
歷代儒首博通古訓述作可傳出入起居期於秉直可守起居  
舍人散官如故

左右補闕

授許景先生左補闕等制

蘇頌

勅奉議郎行揚州大都督府兵曹叅軍事許景先詞含風雅有  
公直一作正之量宣義郎前國子監四門直講馬利徵學摠立墳  
稟亨嘉之德並士推令問人假清規致之掖垣用廣賢路景先  
可行左補闕利徵可岐州扶風縣丞員外置同正員仍直紫微

省散官各如故

授楊齊宣左補闕制

遜遜

勅朝議郎前行右拾遺內供奉楊齊宣耿介不群精明有識傳青白之素業著詞華之令名達禮云終外除將久宜承密命更列近臣可左補闕餘如故

授薛兼適左補闕制

棠棠

勅朝請郎前行萬年縣丞薛兼適兄弟致美士林推重詞清行潔政以幹稱在煩劇而有餘守貞方而不易文章侍從朝夕論思參我諍臣以箴朝可行左補闕散官如故

授辛立度工部員外郎李石可左補闕李仍叔可右

補闕等制

白居易

勅朝散大夫右補闕內供奉飛騎尉辛立度等朕詔丞相求方

略忠謹之士置于左右而播等以石暨仍叔應目塞詔言其為

人厚實蹇直常集作嘗以文行謀畫從容於幕府之間臨事敢言

當官能守可使束帶同升諸朝又言立度介潔靜專不交勢利

宜加推一作權獎以勸其徒况又集無又字久次者事遷後來者登進

皆適所用平章可之可依前件

授盧文集作士下同政起居郎劉從周補闕等制前前人

勅君有舉左史得書之政有關諫官得補之二職者歷朝之清

選也前侍御史盧文政嘗在西川時為從事亂危潛伏能潔其

身集作政前監察御史劉從周頃佐宣城奉公守正集作端士之操終

然不渝時所稱論並宜甄獎况學術詞藻見推於衆並命清貫

僉以為宜記事盡規各侔能效文政可起居郎從周可右補闕

授前合州刺史顏堯禮部郎中殿中侍御史李德璘

右補闕監察御史鄭渥右補闕等制 錢翊

勅具官顏堯等昔大師魯公拘在寇廷渠魁有危一作迫之問對以諸侯朝覲之禮奮於直言不屈疑守正而歿理命之戒家廟為先賢我鉅人可謂忠而知禮矣今堯行高學茂洪緒有承因大師之所為遂以禮曹郎命爾用昭遺德且勉令脩德璘合矩中規擅髦彥之稱渥端居慎守積監視之勞擢為諫臣實就近列使吾聞過繫爾當官無或面從以墜其職可依前件

左右拾遺

授梁昇卿等拾遺制

蘇頌

勅宣德郎行岐州雍縣尉梁昇卿等或敷暢學旨或該通詞藝爰廣獻書之路用開納諫之門不獨美於雕龍頌思齊於市駿咸宜彩擇以申甄獎可依前件

授常啓左拾遺制

賈至

勅劍門縣令常啓雅有文詞仍兼政術諫官近密必擇正人忠謹之言期於無隱可左拾遺

授趙闡右拾遺制

棠棗

誥獻再試文學考入第三等處士趙闡或懿文清拔四科之美或純孝彰著百行之先或以言精梗槩屬觀風省俗頌網求才幽滯靡遺精麤咸紀俾昇榮於中外庶有光於獎擢可右拾遺

授郎士元等拾遺制

前人

勅前渭南縣尉郎士元等有君子之行有詩人之風頃尉于畿亦克用又匪躬之故無以易焉進思直言入告于內勿使流議壅于上聞懋乃所職其無遺政可依前件



授盧告左拾遺等制

杜牧

勅承奉郎行京兆府長安縣尉直史館盧告等朕觀不理之代無他道也取唯諾之士爲耳目之官是以太宗皇帝之理天下也德爲聖人尊爲聖帝三日不諫必責侍臣況予寡昧固多遺闕不官才彥安能知之告是吾賢鄉老之令子弟也以甲科成名以家行著稱取自史閣拔居諫垣夫朕之不德吏之不平政之失中人之不寧四者之闕悉陳其志此乃漢文帝開諫諍之詔也忠告不倦爾當奉職自用則小子不恡過勉思有犯無事遜言景宣與揚皆有才幹糾繩大府贊佐兵郡各宜勉力以備知己可依前件

授前起居舍人常序禮部員外郎前櫟陽縣尉常溪

左拾遺制

錢翊

勅具官常序等近朝賢相名卿以貞重簡潔益大其門者序則承之故華選陟居昭其嗣也爾復稟粹揚清不滲不屈播在公論使我思聞其或風法名家鉅宗稍替溪則飾身而進志欲與馬一罷等疑謨父爲羈滯仍嘉好學俾列近班夫賤奏所司典章誠重而昭嗣之選大不在辭廷諍之臣惟直是舉欵典之志官以道彰華選近班各詳茲訓可依前件

授前起居舍人崔居邈庫部員外郎前好時縣尉充

集賢脩撰獨狐遲守左拾遺等制 前人

勅具官崔居邈等郎署之選優諫臣之選重必用門子以清朝倫居邈愿而自求以守名鄉之嗣遲學而不倦能從長者之言聞其退居皆已甚久苟無甄擢何爲搜揚可依前件

授監察御史李漸左補闕前著佐郎張道右拾遺制

前人

勅具官李漸等誤常推感寤之意闕艱難之途實務塞違用昭  
致理爾等或奕大之盛風聲有傳強以自圖守若不墜或從學  
之道外直此無字固在中慎無揣我之情然後舉職從諫則聖吾  
詎無心於此哉可依前件

授長安縣尉直弘文館楊贊禹左拾遺鄠縣尉鄭谷

右拾遺制

薛廷珪

勅具官楊贊禹等以贊禹挺生公族雅有令名檢身如履其春  
水操心不愧于屋漏而言行無玷文章可觀連中殊科首冠群  
彥捨而不顧去奉良知五年于茲澄澹一致自待之意何其遠  
歟以谷二雅馳聲甲科得雋亦承遺構自致亨衢求諸輩流兼  
慎行止朕方求理道允屬滯淹聞爾贊禹之規為可以厚風俗

而敦教化聞爾谷之詩什往往在人口而伸王澤舉賢勸善允  
得厥中並命諫垣我為公選汝於職業勉自激揚可依前件

通事舍人

授楊泚通事舍人制

李嶠

勅朝散大夫行通事舍人員外置同正員楊泚肅承簪笏頗著  
聲芳趨奉軒墀兼効勤恪宜加思命俾從優獎可檢校通事舍  
人散官如故

授帝元珪通事舍人制

蘇頌

門下朝散大夫行太子典膳監帝元珪占對閑詳風規韶茂鷓  
庖分職已命膏梁之緒鸞墀敷奏佇揚賓客之言可行通事舍  
人散官如故主者施行

授帝振通事舍人制

前人

門下朝散郎前守通事舍人員外置同正員常振良王蘊價明珠耀彩宜擢才於金穴俾趨侍於瑤墀可朝散大夫行通事舍人主者施行

授盧惟繼日有雅子等通事舍人制 遜逃

勅前行潤州丹徒縣主簿盧惟等士族見推人才亦著威儀有則詞令可觀明試以言既閑於敷納為官而擇宜在於軒墀並可通事舍人餘如故

授張伯禽等通事舍人制 賈至

勅太子右一作左贊善大夫張伯禽博雅溫良能詳故事左金吾衛兵曹參軍張摠淑慎徽美可立於朝休有令聞忠而周敏出納朕命僉僉曰爾諧伯禽可兼試太子僕總可守通事舍人 文苑英華卷第三百八十三 登仕郎胡柯 鄉貢進士彭叔夏

文苑英華卷第三百八十四 中書制誥五

翰苑

翰林學士

授學士杜元穎加侍郎制 元稹

勅朝散大夫守中書舍人充翰林學士護軍賜紫金魚袋杜元穎昔我憲宗章武皇帝熏灼威明兵定八極大索俊乂以徵謨

集作謀 獻其在禁林尤集賢彥越正月夕庚子將棄倦勤付朕眇末乃詔元穎佐予冲人以道揚丕訓爾亦祗奉顧命咨援集作授

舊章輔釐哀憂俾克依據是夜而六宮承式厥明而百吏受遺草定法儀茲實賴汝官不稱事予懷慙然而又詞源奧深機用

周敏申集作授之以疊委之詔而益辨漢書與辨同扣之以疑似之問

而益明慎獨以脩身推誠以事朕職勞可舉德懋宜升不俟踰

時寧拘滿歲給誥清秩版圖劇曹例無兼榮特示甄寵予以國士遇集作汝汝以忠臣報予効而集作肺肝司朕耳目可守尚

書戶部侍郎知制誥依前充翰士學士散官勳賜如故

授學士沈傳師加舍人制

勅書云臣作朕股肱耳目言天下不可一人理也今國家崇建

執事以任股肱妙選侍臣實司耳目股肱良則心膂正耳目審

則視聽明苟非端人何以近我而朝議郎守尚書兵部郎中知

制誥充翰林學士上護軍賜紫金魚袋沈傳師潔靜精微風流

儒雅名因道勝信在言前謙而逾光卑以自牧專對無不達群

居若不知而又煥有文章發為詞誥使吾禁省中無漏露之患

而朕語與三代同風勤亦至矣事我滿歲命汝即真勉竭乃誠

以輔台德可守中書舍人依前翰林學士散官勳賜如故

授元稹中書舍人翰林學士制 白居易

勅仲尼曰志有之言以足志文以足言言之無文行而不遠故

吾精求雄文達職之士掌密命立內廷甚難其人爾中吾選朝

散大夫守尚書祠部郎中知制誥上柱國賜緋魚袋元稹去年

夏授自祠曹員外試知制誥而能一作繁詞刻艷句使

吾文章言語與三代同風引之而成綸綍垂之而為典訓凡乘

筆者著莫敢與汝爭能是用命汝集作為中書舍人以司詔令

一作專嘗因暇日前席與語語及時政甚開朕心是用命汝集

司誥命為翰林學士以備訪問仍以章綬寵一作貴榮其身一日之中

三加新令爾宜率一作守素履思永圖敬終如初足以報我可守

中書舍人充翰林學士仍賜紫金魚袋散官如故

授蕭俛起居舍人充職制 前人

勅左補闕翰林學士蕭俛頃居諫列職同其憂夙夜孜孜拾遺左右朕嘉乃志選在內庭自叅密近益見忠謹終始不替充足多之記事之官一時清選俾膺是命以弘勸獎可守起居舍人依前件

授學士王源中戶部侍郎制

李虞仲

勅竭誠於補察必罄訏謨鋪文於誥命以先鴻業非明識屢經於體遠麗藻已著於知微則何以副我虛求允於任使翰林學士中散大夫中書舍人上柱國賜紫金魚袋王源中天籟無器大球不磨範圍可以程楮紳乃尺可以制度量自拔於郎署寔諸中禁嘗因進見敷奏以言揖黃憲而褊兇疑不生靚汲黯而風神自整今時方無事政在和平外付股肱內倚心腹必冀協恭以奉上營道而同方俾下無間言上無偏聽萬務攸繫朕時賴之勉勤夙夜之規以副簡求之望可尚書戶部侍郎知制誥依前充翰林學士散官勳賜如故

授學士李讓夷職方員外郎充職制 前人

勅夫言語侍從之臣非賢不命久而加獎則彛與也翰林學士朝議郎行左補闕賜緋魚袋李讓夷器以琢成材爲衆出蘊積邁時之志發明扶道之心學務妍精文推軼拔早飛聲於戎幕遂躡位於諫垣忠言屢聞密命斯屢果楊垣雅之稱宜獲持諫一作訏謨之効亦既久次宜所轉遷受假寵於握攔用酬勞於視草勉弘前懿以服寵榮可行尚書職方員外郎依前充翰林學士散官賜如故

授學士王源中等中書舍人制

前人

勅朝廷之制外有綸闈之職以奉大猷中有翰苑之司以專察

疑作

命帝王懿範備舉而行森然在前其道一貫朝散大夫守

尚書戶部郎中充翰林學士上柱國賜紫金魚袋王源中能斷  
大事美秀而文服君子之儒乘賢人之業朝議郎行尚書禮部  
員外郎充翰林學士上柱國賜紫金魚袋宋申賜和順積中英  
華發外懷致君之志布經國之文二者皆國器也先皇帝能用  
之顧乎冲人敢不加敬申命執事崇其寵章藉右掖之芳名參  
內庭之重任思爲盡飾朝典宜之源中可權知中書舍人依前  
翰林學士散官勳賜如故申賜可守尚書戶部侍郎知制誥充  
翰林學士散官勳賜如故

授學士路隋等中書舍人制

前人

勅夫秩高綸闈職贊書命禁署之內用才尤難蓋以討論而功  
垂無窮潤色而言流有截非嘉績早一作著雄文夙翔則何以

茂於轉遷副此僉屬朝議郎守諫議大夫充翰林學士上輕車  
都尉賜紫金魚袋路隋澄澄天倪落落風韻氣含古道行為人  
師朝議郎行尚書庫部員外郎充翰林學士上柱國賜紫金魚  
袋常表微符彩外朗誠明中虛言皆本人動必循矩而皆揚歷  
榮序耀華一作朝倫以高行清議發于身以精理敏識稱于職  
而澄群之聽昭宣素風况選自先朝擢居內職或依經而諫諍  
爲志或視草而周密居心言念前勞是嘉成績洎于嗣位思親  
賢人覩形容而鄙却自祛祭主行而公忠益見奧詞達學偉望  
清規式叶予求宜從朝獎中書理本內禁化源並承訓誥之榮  
往勸將明之道我方舉爾善爾宜懋厥官隋可守中書舍人依  
前翰林學士散官勳賜如故表微可守本官知制誥依前翰林  
學士散官勳賜如故

授蕭寘充翰林學士制

崔瑤

勅揮翰金門諒屬詞華之妙論思玉署允資周慎之才選署惟精  
精擧授斯重朝議郎行尚書兵部員外郎蕭寘內蘊沈識外揚  
清和群居不流雅尚歸厚文摘錦繡學富縑緗早命中於射宮  
遂從知於壺奧靜無違心動有餘裕用雖繫於通塞道自保於  
歲寒藹然休聲布在公議是宜擢居密地掌我命書勵夙夜之  
講求備明夕之聰聽副茲寵榮佇有弘益可守本官充翰林學  
士

授曹確充翰林學士制

沈詢

勅職奉命書選歸于鴻藻名叅侍從任切於端人由具美而方  
陞一作階非一善而能進我今慎擇得自僉言起居郎曹確秀發  
人倫行脩儒閫保此全器彰乎令名負賈生之才識窺夫子之

墻仞禮樂盡在襟情甚夷貞而能和用則善晦遐志陵厲早起  
脫於池中茂業宏深動聲華於日下爰自侯府列于王廷踐霜  
臺而職舉方書立文階而事光載筆持以風來居然羽儀稽其  
行能雅副銓擢是用寵爾良史為予近臣俾從瑣闥之榮更侍  
玉堂之奧皇歎思暢用宣祕密之文清秩不移尚受無私之旨  
秉心勿替於直道規草勉商乎訓詞無忘懿圖佇答依命可守  
本官充翰林學士

授庾道蔚守起居舍人李汶儒守禮部員外郎並充

翰林學士等制

杜牧

勅天下為公選賢與能也况乎拔出流輩起侍帷幄豈唯獨以  
文學止於代言亦乃密叅機要得執所見若非賢彥豈有選擢  
將仕郎守起居舍人庾道蔚善行必備重價無對嘗自侯府升

為諫臣每直言而盡誠不違忠而偶意朝議郎行尚書禮部員外郎上柱國賜緋魚袋李汝儒才行冠時名聲譁衆揚歷臺閣宣詔職業無入而不得其道守正而莫混其源並為儒者之英咸蘊賢人之操久遊安在相見何晚一作何相見挽禮曰君子稱人之美則必爵之我既言矣亦能繫惟宜盡心忠繯以酬寵遇並可守本官充翰林學士餘各如故

授裴諗司封郎中依前充職制

崔嘏

勅臺郎望美詞死地高絜列宿之輝華參起草之宥密自非風儀玉立噐宇川停擣揆天之雄文蘊擲地之清韻則不足以膺我妙選為時美談翰林學士考功員外郎裴諗襲慶於門騰芳戴席端莊抱吉士之操謹默得資一作去人之風灼若春華皎如瑞素自擢居文囿參侍瑤墀進對益見其周詳詢旨不離于雅厚是宜仍金盞之舊職榮粉署之新恩保乃体光更流芬馥可休前件

授蕭鄴翰林學士制

前人

勅監察御史曹鄴吾內有宰輔重德作為股肱外有侯伯虎臣一作衆才用寄藩翰至於參我密命立於內庭即必取其噐識弘深文翰適麗動能持正靜必居中指温樹而不言付虛襟而無隱此所以選翰學士之意也前此數者鄴皆有之是用拔於群倫寘在親近勉爾端行副吾精求可依前件

授宇文臨翰林學士制二首

前人

勅吾方以文化天下期於大和故左右侍從之臣詞林宥密之地必求其性識弘茂文藻適麗以備顧問以參周旋聞爾清池無徒雅厚自處富有天爵蔚為詞人是用輟自儀曹置於翰苑



惟端靜可以承渥澤惟敬慎可以期遠圖資爾令猷副我殊選  
可守本官充翰林學士

勅禮部郎中宇文臨吾外有輔臣以敦一作匡大化中有股肱心

腹以愬一作專樞機而發輝絲綸參侍顧問司我耳目廣予腹心

惟是東求擢居近密以爾詞賦清才珪璋雅韻慎獨之際克念  
無私由是選自文昌昇于翰苑爾宜一心以奉職勤百慮以省  
躬勿怠疏遠副吾恩顧可守本官充翰林學士

授沈詢翰林學士制

前人

勅右拾遺集賢殿直學士沈詢參宥密之命處侍從之地居可  
以備選用於他年動可以承顧問於此日不獨取文翰適麗之  
才亦必求孤真雅厚之士惟乃祖在建中初以懿文奧學司我

元良一作長直乃父當元和中以清規茂行典我文誥能流積善之

風鍾爾挺生之秀是用思彼前德擢於後來置在禁闈光我詞  
苑爾宜勤其身以勞夙夜弘其用以新志業無俾枚臯嚴助之  
流獨承榮於漢帝况職當視草官列諫垣宜思及雷之忠更潤  
演綸之美可守本官充翰林學士

授司勳一作摠目郎中兼侍御史知雜事賜緋韓偓本官

錢珣

充翰林學士制

勅執事近臣上無不可敬時一作持文墨而分禁職者又加等焉  
盖咨訪之勤密期弘益訓詞之暇必進語言思引君當道之心  
乃多士以寧之本則受禁職之選被加等之私安可徒任筆端  
然後為得具官韓偓動人之行率性自強慎獨不論考祥甚遠  
資以講學見於文章唯是求己之多播於羣譽矣朕初嗣丕業

擢升諫曹繼陳書辭罔不一作摩切雖公賞曾光於赤紙而直

誠上記於早囊愈聞勵脩宜列左右故命爾之誥以詩人孟子

之說為端者茲不有賴於侍從乎可依前件

授右司郎中張玄晏翰林學士制

勅文也者性之表也積中為性發外為文冠乎妙用之先繫乎

化成之大而文之雅奧本具典謩所以教誥萬方昭明百度代

我而作求之必公具官張玄晏嘗聞薦紳綸者多以爾儒行踐

脩出言之章能顧於是聚問之學一作聚學之樂期不為人乃知發外

之文實自積中之性吾越在閔輔不遑燕居大盜未屠蒸人且

墜謂引過則責躬必至謂伐叛則用武方勞爾其據體會機剪

煩愬要而復念害成於垂誠安假寵以自圖勿使詞臣不當朝

選可依前件

授中書舍人崔凝右補闕沈文總目備並守本官充

翰林學士制

劉崇望

勅具官崔凝等凡帝王有應制侍從之人蓋思其朝夕匡益也

詔先視質疑如流茲所以潤色出言交脩發號大漢氏設玉堂

內署開金馬外門得人甚多斯道大振故是眇未敢忘師虞職

思其流以備左右俄聞家遺清風人懷恭德能濟其美者伊凝

有之三代絲綸一門冠蓋不墜其業者伊文備有之而皆以墨

妙詞芬策名試第謙無矜物敏以適時周旋鳴王之儀頡頏攀

雲之路訪於執事亦進厥良貞我雍容之列所宜者也敬承密

命允叶同時可依前件

授翰林學士承旨戶部侍郎崔汪尚書右丞學士中

書舍人崔洎李磻並戶部侍郎知制誥充學士制

勅朕以萬乘之尊託於人上居九重之奧以御區中裁成天地之宜外委于良輔夙夜宥密之命內咨于近臣佇沃乃心底于于理具官崔汪山嶽鎮地望之而秀絕無涯金石在懸扣之而宮商有序門地軒冕甲於當時具官崔洎公台華胄名教偉人稟象緯之英姿得乾坤之秀氣器業事望鎮于周行具官李磻學際天人道隆姬孔叅言語侍從之列擅淵雲賈馬之才履正居中格于公論而皆體訓誥以事我拱霄極而致身吾得名臣汝邁昌運君臣胥遇千載一時或秩蒲佇遷或職勞可舉往膺並命允屬當仁綢轄貳卿清重無對玉堂溫樹近密執階遂爾扶搖副我欽屬可依前件

授起居郎李昌遠監察陸宸並守本官充翰林學士

制

前人

勅近侍宸嚴叅予密命韜經濟彌綸之望為言語侍從之臣迺眷周行朕將注意詢于卿士僉曰汝諧爰膺並命之求允屬當仁之選起居郎李昌遠魁悟博厚寬裕溫良蘊是粹和發為符采監察陸宸珪璋縝密咸護瑋琤從藹然休聲礪乃住器士林擢秀聞爾則百尺無枝筆陣交鋒聞爾則一戰而霸皆伸於知己副我旁求濬柱下之清源無忘啓沃紹雲間之華譽勿鼓誼囂慎繼前脩罔言溫樹吾有美實期爾為益梅吾有巨川佇爾為舟楫勉思稱職無忝怒飛可守本官充翰林學士

文苑英華卷第三百八十四

文苑英華卷第三百八十四  
世難學思神淵思深欲兼下中平字立辭林學士  
則辨前俞陶言賦誦吾言美實張爾為詩吾言  
匪亦善末部封不之散就無志各本論言則之  
卷開爾俱可又無封筆新文結開爾俱一輝而  
未望帝封亦主章與密成對對對對對對對對  
中書制誥六  
南省一  
左右僕射  
授蕭重休  
沈約

文苑英華卷第三百八十五 中書制誥六

南省一

左右僕射

授蕭重休

一作惠休下同

左僕射詔

沈約

門下尚書萬事之本隆替是寄愬司頓闕宜速有人征虜將軍

吳興太守建安縣開國子蕭重休才學一作具淹通識裁詳允內

著嘉庸外敷美政入副朝端僉議斯在可守尚書左僕射餘如

故主者施行

南史蕭惠休為僕射重休恐誤

授王亮左僕射詔

前人

門下朝端任重刑政一作禮斯出自非民望時宗莫諧茲舉通直

散騎常侍吏部尚書領太子左衛率王亮器識夷遠風鑒清奧

贊務釐朝庶績惟允宜崇名器以副具瞻可尚書左僕射主者

速施行

授劉幽求左僕射制

蘇頌

門下尚書佐理四方取則端揆成務百工是師非允具瞻孰康  
 庶績封州流人劉幽求風雲玄感川岳粹靈學綜九流文窮三  
 變義以臨事精能買曰忠以成謀用若投水茂勲立艱難之際  
 嘉話盈啓沃之初存讜直以不回舊唐書作顧又作諛為姦邪之所忌譽  
 萌頗露譖端潛後篇作竊發元宰見逐諛人孔多既誅唐書作珍羣兇方  
 宣大化期間政於經始載登賢於夢卜可依舊金紫光祿大夫  
 守尚書左僕射知軍國大唐無字書事監脩國史上柱國徐國公  
 仍依舊還實封七伯戶并賜錦木一襲主者施行

此篇四百四十八卷重出今已削去

授李林甫右僕射制

孫逖

門下端揆之職官之師長宰輔之位朕之股肱有能兼領必在  
 時傑光祿大夫吏部尚書兼集賢殿學士上柱國李林甫國之  
 懿屬一作文有濟時之明略自委三事于茲九年大猷是經庶績  
 惟叙使夫人登福壽俗致和平垂拱而化以臻于道蓋天之贊  
 我亦時乃之休况矜慎有恒始終如一外無滿盈之色內秉謙  
 卑之誠歲寒彌堅夕惕彌厲襄德之義又何與之宜兼三綬之  
 榮俾在百寮之首可尚書左僕射兼右相吏部尚書餘如故

授李忠臣右僕射制

常衮

勅文昌所以法成象端右所以長庶寮秦漢則內掌武事魏晉  
 或外綏戎政今之垣翰重任動勞有功歷踐六卿始終一德必  
 訪群議然當盛選淮西節度觀察處置等使開府儀同三司檢  
 校工部尚書兼安州蔡州刺史御史大夫上柱國西平郡王李

忠匡忠厚純茂信而可親寬肅靜深通而必正備五才之用有  
百勝之全往者寇孽辭常閑洛多故爰奮其旅以先啓行大城  
名都所麾必尅元兇巨猾傳首相望定齊休士有建威之得雋  
破趙會食亦淮陰之用竒漢東汝南專制千里揔三軍之號令  
兼八使之澄清約已撫人守集作首公遵職訓師以禮載寧於戎  
閫庀賦從薄繼入於王府四封不聳一紀于茲况忠衛之勲邦  
家是賴陝郊巡幸憂國存誠能釋位以動王亦見危而致命疾  
風逾勁何日忘之申伯于藩自當稟勸韓侯入覲宜有寵光式  
是尚宮俾崇禮秩可檢校尚書右僕射知省事餘並如故

授崔圓左僕射制

前人

門下左右丞相師長庶官無人則欽詔德而授以其久次是有  
轉選特進檢校尚書右僕射知省事兼揚州大都督府長史御  
史大夫充淮南節度觀察處置等使上柱國崔圓山東偉才忠  
厚成性文高大雅學富全經直道而行匪躬之故謀參經始節  
員嚴凝嘗決議於廟堂早書勲於王府外綏戎政久鎮名都苦  
心恤久精力勤職圖艱思易適要除煩敦風化而少長有禮齊  
法令軍戎知禁正身不渝奉上彌恪有大賂南金之貢有浮四  
達河之漕事多弘濟人不疲勞淮海晏然朕實毗倚寵章所以  
褒善大任所以寄賢俾升禮秩無替成命可檢尚書左僕射餘  
並如故主者施行

授令狐彰右僕射制

前人

勅中臺萬事之會端右庶僚之式所以揔叅詳貳恢演協宣勲  
德兼崇則殊在師長之重勤勞于外則不親損益之煩凡命此  
官必書於冊極茲朝選用屬時賢滑毫等州節度使開府儀同

三司檢校工部尚書持節滑州諸軍事兼滑州刺史御史大夫  
上柱國霍國公令狐彰腹心純臣忠允明亮有張仲孝友之行  
有吉甫文武之才秉其直方資以簡厚早擅韜略尤工墨妙艱  
危致命出入勤王中興之勳群師難尚雖驃騎之北至高闕淮  
陰之東下井陘積事度長杭衛集作行異代自受任千里疆于兩  
河靖安軍戎肇正封域弘布風教宣明憲章優禮意於文吏洽  
仁化於賾俗息馬論道讓其保塞之勞愛人省刑守我中朝之  
典載脩職貢以奉京師頃者彼復河流省其後費除歷年之所  
病匪踰月而成功開濟良謀東藩是賴不忘利國益見深衷予  
嘉乃休朝有明勸念齊侯之勞賜同申伯之封賞厚其禮秩允  
答奉公可檢校尚書右僕射餘並如故

史六夫

授田神功右僕射制

前人

門下萬事之本歸於司會百僚之師屬我端右所以綜詳名實  
參貳紀綱詔德選勞於是乎在開府儀同三司檢校兵部尚書  
使持節汴州諸軍事兼汴州刺史御史大夫充汴宋等州節度  
使上柱國信都郡王田神功忠敬孝友寬厚深集作泥毅經之以  
詩書緯之以韜略言能顧行勇必體仁信義不愆於風雨智謀  
自叶於著蔡早膺戎寄式是師貞有決勝合變之寄有明賞必  
罰之當精貫白日氣陵高秋馭集作技盧龍之軍萬夫觀政集作萬里  
橫海討淮夷之叛一戰平吳統制濟河懋昭聲績往以大戎內禦  
華夏多虞入勤服勞扈遊能力忠衛社稷勲書甲令建牙移鎮  
在浚之郊守龜蒙鳧繹之險當曹宋濟魯之會牧人馭衆憂國  
奉公宣文教以布朝章訓武經以明軍法脩職貢之禮率先閭  
外通轉輸之利益瞻關中疆宇不聳田萊加闢風俗澄一河南

晏然夫以勲業之崇而等威未峻報功優異集作賢豈允僉屬固宜副文昌之長揔周官之任仍兼連率益重方隅可檢校尚書右僕射兼充本道觀察處置使餘並如故主者施行

授韓臯左僕射制

元稹

勅夫一邑之政而猶資老者之智用狀者之決况朝廷之大得不以耆年重望居耒正之地儀刑於集作以儀刑百辟乎惟爾金紫光祿大夫檢校尚書右僕射兼吏部尚書韓臯始以直言事代宗皇帝司諫諍復以文章政術事德宗皇帝為舍人中丞京兆尹在順宗憲宗時出領藩方入備鄉長逮于小子歷事五君勤亦至矣而又處權近之際未嘗以思幸自寵於一時當迨嚮之間終不以薄厚見窺於衆目豈所謂徐公之行已有常而詩人之風雨不改耶日者銓覈群才兼榮揆務頗煩倫擬有異優崇

罷去職勞正名端右集作揆俾絕積新之歡且明尚齒之心凡百

庶寮無忘咨稟支營田副大使知節度事兼採訪處置使攝御史中丞上柱國張紹貞中積溫惠外形嚴肅通才應物妙理為心函踐方州咸推課最爰施密命且寄專征而紀綱一臺彌綸百事缺官斯久選衆尤難宜輟南轅用昇右轄可尚書右丞散官勲如故

授宋昇尚書右丞等制

前人

門下紀綱一臺爰咨右轄彌綸五教必擇亞卿通議大夫尚書刑部侍郎借紫金魚袋宋昇雅操貞規為律人之器朝議大夫守尚書工部侍郎上輕車都尉郭虛已通才敏識有成務之能並文行相資公忠自達履周行而有裕在歷官而必聞柯葉不



移芳馨可久宜允副於朝選俾遞遷於省闈辨可守尚書右丞  
虛已可尚書戶部侍郎散官各如故

授崔翹尚書右丞制

前人

門下司會之府尤重於紀綱舉能而官必慎於名器大中大夫  
守河南一作東郡太守本道採訪處置使上柱國崔翹文儒績業

忠為狗公之節歷官滋久更事亦多難省缺

員中朝選舊宜取才於攬轡更馳名於握管可守尚書右丞散  
官如故

授徐浩尚書左丞制

賈至

勅中書舍人徐浩精潔惠和敏而好學有凌雲之詞賦兼臨池  
之翰墨祇勤直道厥德允脩右掖司官已光綸綍南宮掌轄仍  
佇紀綱可兼尚書左丞

授崔倫尚書左丞制

常袞

門下蘇武張騫使匈奴十餘歲不失節而歸漢武不過典屬國  
騫拜中大夫而已朕每以勞大賞薄而流歎也頃以昆夷之俗  
繼好勤誠不忘綏懷喻我文告乃命太中大夫可尚書左僕射  
餘並如故

左右丞

授劉知柔尚書右丞制

蘇頲

門下天臺管轄爰正紀綱人望余宜方膺授受銀青光祿大夫  
行尚書戶部侍郎上柱國彭城縣開國伯劉知柔時行推美舊  
德歸高明暢襟一作懷閑華風耒蹈典墳之芳潤摠詞賦之笙  
簧慮常密於在公迹自動於為政萬人登樓已聞書版之精六  
官揆才更俟彈珠之妙可行尚書右丞散官勳如故主者施行

授源乾曜等尚書右丞等制

前人

黃門二轄之重百官取則苟非其人何以成務正議大夫行尚書戶部侍郎上柱國安陽縣開國男兼御史中丞源乾曜清深密靜有彌綸之識正議大夫行紫微舍人上柱國倪若水剛正明斷有精覈之才並果行育德以文飾吏事閑達舊章發揮大禮南臺執簡動中規模西掖揮毫舉成倫要必能主其禁令肅此綱維宜膺却詵之寵更叶楊喬之拜乾曜可尚書左丞勳封如故若水可尚書右丞散官勳如故主者施行

授陸景融尚書右丞等制

孫述

門下紀綱中省贊貳六卿稱職惟難任賢斯在滎陽郡太守陸景融等夙昭時望見重人倫脩德行為本源用文章一作詞為潤飾清心雅道獨運虛舟敏識英才高標利器著名滋久更事亦

多天臺缺官廷議僉屬宜膺求舊之舉俾叶往諧之命可依前件

授張紹貞尚書右丞制

前人

門下朝議大夫守益州大都督府長史持節劍南節度度前守太子右庶子兼御史中丞上護軍賜紫金魚袋崔倫宣明威惠撫柔西海言忠事直舉無二信臨大節而不奪匪謀身而苟免終能復命亦既序成使乎四方可謂專達况躬服謨訓暢於詞律在天寶中已踐即位選部草議至今稱之顧其階歷當處要重之地加以集作盡悴服勤所宜超進摠典綱紀歸於臺轄以倫才理精密練達朝章俾參柄集作用佇明政本仍榮級以勸勞臣可銀青光祿大夫行尚書左丞勳如故

授張重光尚書左丞制

前人

門下國朝多以六卿之貳出領三輔入必稍遷或復舊職不然則以左右轄處之中外迭居從其班列銀青光祿大夫前華州刺史兼御史大夫充鎮國軍及潼關訪禦等使上柱國清河縣開國侯張重光明道若昧大方無隅循一作禮以節事體信以達順罔有擇行在於厥躬其學既精其德亦厚可以質正大義和恒雅俗眼在通列鬱其休聲周歷五曹之副達明萬事之本部符閔輔恭化京師亦既政成且聞河潤紀綱臺務圖併舊人職無不綜行有條理可行尚書左丞散官勳封如故主者施行

授席豫尚書右丞等制

徐安貞

門下朝散大夫使持節鄭州諸軍事守鄭州刺史上柱國席豫等早升清近備經推擇或政成大郡或績行中朝可以秉於樞轄正之僕御副於內府亞以尹京各恭迺職充茲休命可依前件

授度承宣尚書右丞制

白居易

勅朝議大夫守尚書刑部侍郎駙騎尉度承宣昔我太宗文皇帝命嘗謂尚書丞百職綱維事一失中則天下有受其弊者因命戴胄魏徵及杜正倫劉洎輩繼領是職分居左右職集作官修事理人到於今稱之故吾前命崔從持左綱今命承宣操右轄衆口籍籍頌稱集作為得人况承宣端諒勤敏周知典故必能為我紐有條之網柅妄動之輪坐曹得出入郎官立朝得奏彈御史決會政要扶樹理本無俾戴魏劉杜專美於貞觀中可守尚書右丞散官勳如故

授孔戣尚書左丞制

前人

勅漢詔丞相歲貢

集作舉

質直忠厚遜讓者蓋所以急賢雋扶政

教厚風俗也然則退藏踈淺之事苟有一善尚搜而揚之况任  
久位崇才全望重而不致於急官要職者將何集作以紀綱庶  
政而羽儀朝廷焉正議大夫守右散騎常侍上柱國賜紫金魚  
袋孔戡自十年來歷中臺左曹國庠鄉寺洎藩守近侍之職各  
於其任皆有可稱矧又貞白莊端澹然自立進無矜蒲之色居  
無墮替之容求之周行不可多得若戡者宜當扶政教厚風俗  
之選也尚書丞掌決百事樞轄六曹晉魏以還右減集作於左  
惟有立者可以糾吏惟無瑕者可以律人無以易戡往恭乃一作  
位可尚書左丞散官勲賜並如故

授周敬復尚書右丞制

楊紹復

勅百事根本在文昌官綱轄不脩則庶政墮矣是以選擢之際  
常難其人不有精才孰膺茲選一作江南西道都團練使觀察

處置等使檢校右散騎常侍周敬復以精遠之詞早登科籍以  
深奧之學遂列頭名振風績於南宮奮輝華於翰苑一作聲猷  
實著名以事高厥德允脩在公不倦俾贊丞於都座庶警策於  
周行振舉朝倫有望於爾可尚書右丞

授崔蠡尚書左丞制

崔嘏

勅提六聯之紀綱揔一臺之樞要自非才識兼茂風標峻整則  
何以統攝群吏肅清衆官前夫平軍節度使崔蠡軒裳積慶文  
學澡身黃鍾亟待扣之音青萍蓄善割之利早分列宿獨膺題  
柱之榮入踐禁闈共許演綸之美累居重任亟換名藩貢籍銓  
衡必登於藻鑑觀風馭衆益顯其長才廉車扇愷悌之仁將席  
蘊韜銓之略懷惟戀闕志在推賢詞必由稟事多餘美顧我任  
才之意當爾受代之辰言念前勞載加新命爾其瑩秦臺以分

美惡操漢律以檢尤違必俟端標用分曲影可依前件

文苑英華卷第三百八十五

登仕郎胡柯

鄉貢進士彭

叔夏

校正

文苑英華卷第三百八十六

中書制誥七

南省二

吏部尚書

授裴遵慶吏部尚書制

常衮

門下尚書萬事之本選部五曹之右以掌邦典以掄官材漢魏已來多用宿儒高德蓋重其任也金紫光祿大夫守太子少傅

集賢待制上柱國河東郡開國公裴遵慶周慎禮節敬讓素居

集作周慎敬讓道素自居博學而識前言懿文而敦集作知大體迺者匡弼王

室克和庶政訓導儲宮用弘三善日新之美歲晚彌彰自陶融於元和不嬰拂於俗務名臣今望清議攸歸處以銓覈用澄流品抑華取實無俾滯才可吏部尚書散官勳封如故主者施行

授劉晏吏部尚書制

前人

門下獻善宣美職在納言錄賢任能必歸冢宰若萬事之本舉  
得其要一時之才選當其實則致理之體照然可見矣簡求碩  
德俾之典綜金紫光祿大夫檢校戶部尚書兼御史大夫東都  
河南江淮山南東等道轉運常平鑄錢鹽鐵等使上柱國彭城  
郡開國公劉晏時傑國楨高才博學超詣精理澹然素懷禮法  
之紀綱人倫之模未嘗處台弼以弘訓範載其清靜濟我艱難  
自勞于外又竭心力苟利於國不憚其煩領錢穀轉輸之重資  
國家經費之半務其省約加以躬親小大之政必關於慮出入  
農里止舍鄉亭先訪便安以之均節一作以事積而不亂理簡  
而易從故得井賦田租萬億及秭方舟而下以給事中都水旱  
不歉人懷其惠可謂盡瘁事國勤勞王家也思有褒進屢申退  
讓然以官人之任朝選無踰藉其叅領用鎮風俗所惣群務一

以咨之中外兼濟固有餘力可吏部尚書餘如故主者施行

授蕭俛除吏部尚書制

白居易

勅古者君使臣以禮臣事君以忠季代集作已還鮮由茲道先皇

帝創於是故在位十五載凡解相印者殆二十人多寵為大僚

或付以兵柄矧予小子宜有加焉而輔弼之臣嘗經一日造吾

膝沃吾心則思與之始終厚申思禮不唯勤能者感來者且不

敢失墜先志也尚書右僕射蕭俛忠肅李敬佐吾為理以勤事

國以疾退身本末初終不失其道既免舊唐書樞務倚右揆唐書

作俛君朕欵加思超等復吾前言而俛繼上讓章至于三四

敦諭頌集作頌切陳乞彌堅是用改正集作命為選部尚書而猶冠

六卿統百職尚可以表吾寵重亦所以成爾謙光爾宜欽厥始

集作慎厥終無忝我褒揚之命可吏部尚書

授鄭綱吏部尚書制

前人

勅天官大宰秩序常尊自昔迄今冠諸鄉首非位望崇盛者不  
 可以處之而朕即位以來凡命故相領者三矣迨此而四可不  
 重乎東都留守防禦使檢校刑部尚書兼御史大夫榮陽縣開  
 國公鄭綱有丙吉之寬裕子產之恭惠合而為用藩輔四朝故  
 事遺愛留于官次國之都府半在東周委以保釐人安吏肅重  
 煩耆德入領冢鄉昔魏用崔琰毛玠典吏曹一時之士以廉節  
 自勵國朝以一有來字宋璟李乂掌選部亦能遏絕謁託集作託為振張  
 紀綱官無古今得人則理吾言及此欲爾繼之可依前件

授高元裕除吏部尚書制

杜牧

勅昔有虞氏貴德尚齒言於四代其道最優今吾鄉老富有道  
 德以大家宰表率群僚顧予敢專得於僉議前山南東道節度

觀內管察處置等使銀青光祿大夫檢校吏部尚書使持節襄  
 州諸軍事兼襄州刺史御史大夫上柱國渤海縣開國男食邑  
 三百戶高元裕始以御史諫官在長慶寶曆之際匡拂時病磨  
 切貴近罔有顧慮知無不復以諫議舍人在大和末詞摧亮魁  
 坐以左官繼為中丞京兆公鄉藩服朕始在位徵國朝廷爰自  
 尚書裂分茅土為政以德行已唯仁言集作信而履之服而樂之  
 餘三十年道益昭著夫中外之任迭有重輕今者干戈韞藏戎  
 狄信順將欲詳考典禮開張教化使吾丞相以降有所咨稟非  
 爾元裕其誰膺之至於官業豈勞倚任祇聽出納無往教誡可  
 受吏部尚書散官勳封如故

具書陸崇授劉崇望吏部尚書制

錢翊

勅朕常考易象否泰之說詩人雨雪之作知君子消長之際繫

王者政理之端矧乃大宥已行衆累皆滌非其罪者敬以命之

具官劉崇望吉德在躬明誠格物辭昌寡和自合正聲昭兆龜名

見左傳先知宜居前列脉初繼天統方求國禎侍從之臣論思在

爾伐言之下弘道良多察其寬裕之姿授以弼諧之任恢張大

禮一作師法碩人以掩細過為所能以觀故事為所樂須因諛

慝偶惑聽聞害賢曾寘於典章德敢忘於覺寤顧直書之史冊

何損於明還暫免之冠綬且復其所流澤而余心未足經邦而

鄉位乃虛來整軒裳再提衡鏡山公密啓更廣規摩楚客騷離

一作休勞諷諭勉居會府以率六卿可依前件薛廷珪

三百授孔緯吏部尚書加食邑等制薛廷珪

勅朕又為姦倖蔽我聰明其心懵然是非例置一旦開悟洞失

疑迷案區冀寧邪正茲別明發不寐思予蓋臣雖已命官未滿

廷屬亟加寵澤式示優崇新授其官孔緯直道致君至誠醫國

先帝以爾輔弼予冲人業履之勤一作勲名明備於前制唯朕不明

不敏俾爾埋尾于外者有年矣言念至此心焉震驚苟不累加

寵榮仍復徽數卽何以示予輔過之心也天官太宰首冠六卿

往執銓衡暫煩藻鏡殊息縛禮並復舊章逖聽履聲佇還衮職

惟爾九老体予虛懷可吏部尚書仍復持危啓運保乂功臣開

府儀同三司上柱國魯國公食邑四千戶實封二百戶

兵部尚書

授張仁愿兵部尚書制

蘇頌

黃門名遂身退則聞告老優賢尚庶不忘求舊鎮國大將軍行

右衛大將軍上柱國韓國公致仕仍給全祿及品予課朔望朝

叅張仁愿有將相之才樹忠公之績入稱三傑帷幄所以運籌



出惣六師塞垣由其臥鼓懸利器而御物自中於桑林推素心以得士更成於李徑故能居室而應在邦必聞泊養疾歸休辭榮及礼用旌渭濱之兆空想潁陽之問乞言繫賴寵德攸宜佇增題劔之榮更遂揮之金樂可光祿大夫刑部尚書餘如故主者施行

授李林甫兵部尚書制

孫逖

門下緝熙九法董正六師必在俱瞻以弘兼領金紫光祿大夫戶部尚書同中書門下平章事上柱國成紀縣開國男李林甫宗盟有慶王國生才明德為章懿文成範事君之節買忠貞於四時應物之成調惠和於一氣爰立作相以期于理不仁斯遠丕績用章而詰禁制軍安人和衆是為邦正深寄汝諧俾謀猷於七兵仍啓沃於三事可兵部尚書餘如故

授李絳檢校右僕射兼兵部尚書制 元稹

勅中大夫守御史大夫賜紫金魚袋李絳昔先皇帝誨予小子曰堯時有神羊在廷屈軼指佞汝知之乎夫雅正在人焉有異物朕有臣李絳猶漢之汲黯也我百歲後爾及用之為神羊軼屈斯可矣予小子銘鏤丕訓夙夜求思是用致理之付授邦憲且欲集作為吾二字丞相以降皆俾下之集無此六字以示優遇朕亦嘗命安其步武無為屑屑之儀而降屢以疾辭不寧其職又馬敢以勞偪集作倦之故煩先皇帝舊臣昔晉僕射何季玄病足求免猶命坐家視事張子孺拜大司馬仍令兼祿一作領尚書則臥理不獨專在於郡符端右可以

慎所觀聽為人司南可檢校尚書右僕射兼兵部尚書散官勳封如故

授陸扆兵部尚書制

錢翊

勅周之九法歷代用焉進賢興功以厥分職故夏官之重高位  
久虛則有嘗秉化權方臨邦教惟人之命我不敢私俾正衣冠  
用光表著具官六扆貌光恭肅氣實清明言欲訥於否藏德有  
容於醉飽中出而靜可謂達於樂乎外作而文所以深於禮也  
頃以宏博奉吾論思繼今祖之典謨去邪辭之枝葉洎當大用  
且屬多虞執政雖新犯顏已急我則有違蹇叔尔詎不如王陵  
部竹遂行伏蒲未足還好爵而未惟辨色掩閑門而退乃韜光  
考之中庸有以自得往次六鄉之首無輕一等之遷進賢興功  
必在敦古可依前件

授劉崇望兵部尚書制

薛廷珪

勅息衡舊德纓冕碩生朝昏常寘於我心事業無妄於汝礪矧

朕出潛之日寔操顧命之書乃眷滋深公望惟允宜膺重任以  
副旁求具官劉崇望昔以文辭業先帝為翰林主人旋以藥石  
沃朕心號中興宰相歷試宏業一作周旋大寮人無間言動不  
過則云罷鈞軸丞移光陰室既生白舟推任觸浩然正氣充塞  
乎天地之間卓尔神光莹徹乎星辰之表琴樽遂性名教檢身  
家事雍肥物情重贍一作崇重靖言素履頗厚時風大道之行斯文  
未喪將論舊德允屬僉諧爰增光祿之勳往曳尚書之履敬佩  
休寵克當厥官無或牢謙尚欲高臥可光祿大夫守兵部尚書  
戶部尚書

授畢構戶部尚書制

蘇頌

黃門司徒之官實掌邦教常伯之位先求國華銀青光祿大夫  
河南尹上柱國魏郡開國公畢構達識鴻才調高學國瞻器無

不綜含清明以見微言有可觀負忠謹以居直百郡仰其成績  
三臺推其故事頃者任殷河尹聲滿洛師姦豪懼秋霜之威孤  
老慄冬日之愛故可辨于五物書以萬人誰其釐之俾爾作則  
可守戶部尚書散官勳封如故主者施行

授裴寬戶部尚書制

孫述

門下敬敷五教保息萬人缺官而擇副相惟允通議大夫檢校  
大夫御史上柱國賜紫金魚袋裴寬器職高明風規端肅蹇諤  
之用累鷲鳥而莫當操割之能斷犀革而何有亟登臺閣嘗擁  
旌旄禮樂為從政之文德刑是戢兵之武雖地鄉所掌實佇通  
才而天憲惟難尚資兼領宜曳尚書之履仍紆大夫之印可守  
戶部尚書兼御史大夫散官勳賜如故

刑部尚書

授豆盧欽望秋官尚書制

李嶠

鸞臺天作機衡實惟北斗朕之喉舌其在南宮揆德而居非才  
莫可新除司府卿上柱國芮國公豆盧欽望踐仁履義抱質含  
文出莅藩條具聞威惠入為朝諫一作棟多所弘益立身必由於  
清謹處置無廢於忠勤外府國泉雖藉幹用中臺天憲更資明  
允宜膺上德之舉令踐誥姦之位可銀青光祿大夫守秋官尚  
書勳封如故主者施行

授李乂刑部尚書制

蘇頌

黃門王命司寇汝作士師允迪政刑旁求望實銀青光祿大夫  
行紫微侍郎一作舍人兼檢校刑部尚書兼知制誥昭文館學士上  
柱國中山郡開國公李乂恒碣之寶衣冠之華業摠四科才抱  
九德為邦理要動入精微當代詞雄居成準的忠義得在公之

體清修稟行己之用紫泥掌誥雖密王言黃沙定罪是懸人命  
眷繇欽恤尤賴東孚俾回迹於西垣宜正名於北斗可刑部尚  
書學士散官勳封如故主者施行

授裴敦復刑部尚書

孫逖

門下六卿分職朝選猶難三典佐三邦寄尤重朝議大夫守河  
南尹攝御史大夫持節江南東道宣撫招討處置使上柱國賜  
紫金魚袋裴敦復深沉偉量磊落宏才識無不通俎豆兼於軍  
旅行有餘力文學資於政事頃者述撫江徼肅清姦宄大叔之  
謀既能止盜穰苴之法亦在安人功實簡心賞宜超等委之刑  
柄俾踐白雲之司錫以身章更增金印之秩可銀青光祿大夫  
守刑部尚書勳賜如故

授李巨憲部尚書制

賈至

門下褒賢策勳國之大典允文允武人之所賴陳留太守嗣號

王巨

此下疑  
脫誤

杖劍分閫掌

一作  
專

征東夏俾鎮遏寇之職以寵維

城之固可守憲部尚書

授房瑄刑部尚書制

前人

門下蠻夷猾夏舜命繇作士楙功邁德黎人懷之周官大司寇  
亦以五刑糾萬人邦典定諸侯之獄明德慎罰先王期理前漢  
州刺史房瑄既明且哲慎靜尚寬有文行可濟於時有直能匡  
其國獻可替否翼亮先朝今寇賊初滅蒼生凋弊議獄緩死刑  
期無刑是用採人望於舊臣舉國禎於元老俾掌二典以弼五  
教庶不仁者遠姦宄道消尚德優賢仍加八命可持進兼刑部  
尚書封如故

授崔瑒刑部尚書蘇滌左丞崔輿兵部侍郎等制

杜牧

勅喉舌百官之本綱轄天下之要戎政國之大事三人為衆一  
舉得之惟君知臣子不敢讓正議大夫尚書左丞上柱國賜紫  
金魚袋崔瑛德可標準言成文章揚歷中外道益光顯左省駁  
議不畏疆禦分憂陝服尹茲東郊政既安人化能被俗擢任藻  
鑿旋職牢籠材皆適宜官無逋事分鎮股肱之郡遂成功實之  
臣陟處綱曹副以中憲每非集作師遽瑗常慕史魚抨彈之勇正  
當時病翰林學士承旨銀青光祿大夫行尚書兵部侍郎知制  
誥武功縣開國男食邑三百戶蘇滌行冠人倫爵高天秩仁義  
禮樂之是務克伐怨歆之不行翱翔禁闈出入諷議汲黯為郡  
嘗聞卧理下惠去國皆以直道泊宣室思賈其泉召雄造膝盡  
忠代言稽古近以微恙懇請自便君子之道進退可觀正議大

夫前權知尚書戶部侍郎上柱國博陵縣開國子食邑五百戶  
賜紫金魚袋崔璵上知自得不器難名既擅高文兼通樸學掌  
言綸閣典貢春闈詞同三代之風士掇一時之秀振舉職業宣  
昭令名詩曰濟濟多士文王以寧禮曰官備天子為樂咨爾璵  
等實瑞清時予為爾之德隣爾膺予之慎選典刑不忘於哀敬  
提綱惟在於公勤舉司馬法勿踵近習各膺重位企佇上酬宜  
於夙夜無孤官業璵可守刑部尚書散官勳賜如故滌可尚書  
左丞散官封璵可權尚書兵部侍郎散官勳封賜如故

文苑英華卷第三百八十六

登侍郎胡

柯

鄉貢進士彭

叔夏

校正

文苑英華卷第三百八十七

中書制誥八

南省三

禮部尚書

授常陟文部尚書制

賈至

門下周官大冢宰以九職任萬仁三歲大計羣吏之誅賞選部  
綜覈時惟厥任非正人表臣齊明敏哲不可處此御史大夫郇  
國公常陟伐篤惟忠祗勤于德文可以經國業可以濟時有鄭  
僑惠王之仁懷史鮪君子之道頃居小宰翼勤萬務銓鑒而必  
審其實拔舉而不失其能秉心塞淵厥有成績可守文部尚書  
餘如故

授常綬禮部尚書薛放刑部侍郎丁公著工部侍郎  
等制

白居易

勅尚書左

集作右

承帝綬等朕以

集作在

東官時先皇帝垂茲聖之

德念予冲蒙選端士通儒使講貫今古自禮樂刑政暨君臣父

子之道博我約我日就月將俾予于

集無于字

今不至牆面克荷丕

訓大揚耿光實綬放公著之力也故朕嗣位未踰時月或自郡

鄙或自省署徵擢寵用為丞郎給事中官雖超拜職亦具舉師

道光而心踰讓人爵貴而身益恭宜更稟升重酬輔導以綬精

粹辯博博有先儒之風可作秩宗以放端月慎重行君子之道

可居憲部以公著檢敬規度得有司之體可貳冬官於戲貞百

工平五刑典三禮皆重任清秩予無愛焉蓋欲表二三子道不

虛行而明於一人德無不報也綬可禮部尚書放可刑部侍郎

公著可工部侍郎餘官並如故

授裴休禮部尚書裴諗兵部侍郎等制

杜牧

勅冉有仲由孔氏門人高弟也尚由處於小國可為具官况今

照臨百官撫御四海縮牢籠漕輓之職掌五兵六師之重次第

超擢為吾大寮若非僉諧豈敢輕授正議大夫守尚書兵部侍

郎兼御史大夫充諸道鹽鐵轉運等使上柱國河東縣開國子

食邑五百戶賜紫金魚袋裴休仁義禮樂文行忠信積此八者

以為成人前宣歙池等州都團練觀察處置等使太中大夫檢

校左散騎常侍兼御史大夫上柱國河東縣開國男食邑三百

戶賜紫金魚袋裴諗在元和代惟帝念功四夷九州文化武伏

咨爾先父實著大勳天必祚仁門有令嗣道直才富行備名高

文學而浹洽專精率履而清淨恭儉而皆周歷華顯踐更臺閣

處事可法出言成章咸輟自綸闈任寄方伯教訓以禮生聚以

康

集作仁

千里封疆一口歌詠休乃命以取士時稱得人用其公

房委之管權事為之制曲為之防鈎校姦職未減賦取公財不  
耗疲人樂生望為準繩立作據仗名賞兼備德位兩高漢史曰  
理行尤異者就加禮曰有功人於者進律秩崇八座官副夏卿  
舉以授之予亦何怙夫宰相佐天子公卿助宰相股肱指背臂  
任同一身有事必言未為越局無自愛惜免吞寵榮休可守禮  
部尚書依前充諸道鹽鐵轉運等使諗可金知尚書兵部侍郎  
散官勲封賜各如故

授盧正巳工部尚書河南尹東都留守制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

授建昌郡王攸寧冬官尚書制

之謀藉其股肱之用而俾以自牧成而不居固守鳴謙願離

辭劇職重違雅志其用成羨宜遷九法之司回典百工之任可

冬官尚書封如故

授劉知柔工部尚書制

黃門司空之職以平水土常伯之任尤重臺閣鴻臚卿上柱國

彭城郡開國公劉知柔碩德耆秀行高才遠文詞有綺績之功

望實有珪璋之譽出膺賢守則郡國循良入位名臣則衣冠準

的可謂朝之明哲代之純懿俾遷榮於北斗宜作範於南宮可

銀青光祿大夫守工部尚書勲如故

授盧正巳工部尚書河南尹東都留守制

門下昔成王命君陳分正成周尹茲東郊曰惟爾令德孝恭克

施有政實大其舉俾振厥職先朝故事以擇舊德元老貞固之



臣每居守焉今寇逆始平洛師殘弊周南分陝寄莫斯重太府  
卿盧正已忠蕭恭懿仁而愛人專鎮分憂居必致理是用命爾  
問疫瘵之俗政必以寬化遷習之人謦必以義勸農穡之務事  
必以靜侵漁之暴令必以嚴可守工部尚書東都留守散官勳  
封如故於戲無替朕命主者施行

授崔渙工部尚書制

勅程品之重有若百工號令之先尤難六職崔渙學義精洞文  
嗣典麗道高王佐才茂國華實每副名言皆顧行頃調鼎鍊庶  
政惟和及典銓衡群才式序中外更茂措紳所宗雅有大臣之  
節光其舊德之選冬卿命職汝往欽哉可工部尚書餘如故

授常貫之工部尚書制

勅河南尹常貫之善馭者齊六轡善理者正六官六官成則百

事舉故吾選賢任舊

集有以字

次第補之而六卿之才吾已得五闕

一不可待汝而成汝貫之以正行明誠為先朝輔始以直進終  
以直退道有消長德無緇磷及師湘潭尹河洛而庶平清臺之  
政繼聞于京師名簡吾心善入吾耳宜置朝右以鎮集作厚時  
風况今之尚書漢之公卿也言動可否屬人之集無耳目焉固  
不專於率四屬程百工備位於冬官而已可工部尚書制

授盧弘宣工部尚書制

崔嘏

勅朕嗣膺寶位繼統洪業思與藩方大臣披其雲務况中外遞  
遷勞逸更處當用才之日急病思是及求舊之時任賢斯切而  
中臺為政一作理之本冬卿亦統任之基方藉舊僚以俾新政  
前易定節度使盧弘宣自薊門陷戎爾以舊族遷于洛涼惟是  
冠婚喪祭之儀禮讓恭敬之則推於四姓耀此一門而能自以

文業吏師驅馳當代歷踐華顯載茂休嘉累登齋壇常領京邑  
功有成効人無間言及罷將軍之麾幢解刺舉之印綬來朝絳  
闕益見丹誠是宜正彼六聯昇于八座曳文昌之履通必祕殿  
之香一作書更增北斗之光輝或重南宮之喉舌承我休命爾其  
敬哉

授鄭紹業工部尚書制

劉崇望

勅具官鄭紹業族掩五侯家多萬石盈數大名之後高門陰德  
之餘茲實生賢筆來佐國而勵精士節炳煥人文韻字弘深智  
度恢廓比博能於武庫方俊德於神絳始終令圖出入大任丹  
墀絳闕自風體而弘多起草掌綸由天才之足用洎揚我休命  
出守荆閩頗聞理聲急於徵請入則思邦家之久計出則雍旄  
節之一作於上游良佇忠貞乃斯康濟爰從分務曠已歷時如聞  
舒不疾之懷安無怨之地雖有簞瓢之樂寧無憔悴之容能用  
善人我實所慕是命進爾於冬官八座乃庶績彛倫之所由焉  
祇若朕言克邁乃訓可

吏部侍郎

授盧藏用檢校吏部侍郎制

蘇頌

勅朝請大夫守中書舍人兼知吏部侍郎事脩文館學士上輕  
車都御盧藏用含和育粹直道直身學貫如墨詞精比興風塵  
之外獨秀瑤林清白之中常懸水鏡自四年掌誥九品作程俊  
而不離一作雜重輕咸當簡而能要浮競斯遠刀尺之委銓衡已  
歸特選周才更符僉望可檢校吏部侍郎仍佩魚

授陸景融吏部侍郎制

孫逖

門下小宰之官久虛其位至公之用唯才是舉一作與守尚書左

丞陸景融珪璋成器禮樂為文剛亦不吐柔而能立恬淡之性  
足以抑退浮華微明之識足以激揚淹滯類能而使僉議允屬  
俾澄清於九流期風俗之一變可守吏部侍郎散官勳如故

授李彭年吏部侍郎制

前人

門下綜彼天秩亞于邦冢易人之舉選衆尤難尚書兵部侍郎  
李彭年人望時秀雅才清識得以金誠文而致用操必割之器  
遇時事無前特不轉之心在公亭難奪必能敷求名實底慎銓  
衡宜輟七兵之務俾脩九流之法可尚書吏部侍郎

授常陟奚珣等吏部侍郎禮部侍郎制 前人

門下冢鄉宗伯均國和人乃立其二非才莫可正議大夫行尚  
書禮部侍郎權知吏部侍郎上柱國彭城縣開國男常陟明繼  
一堅純綱百鍊中書舍人權知禮部侍郎上騎都尉達奚珣忠  
公淑慎曰白珪三復各推邦直皆擅詞雄峻節彌高標不雜  
頃膺特事之委深得選賢之稱如有所試已副於僉諧必也正  
名宜光於並拜陟可吏部侍郎奚珣可中散大夫守禮部侍郎  
勳封各如故

授薛邕吏部侍郎制

常衮

門下昔禹謂咎繇曰知人其難之魏武又云使吏部用心如毛  
玠風俗之易差不難矣今之銓綜但抑華崇本鎮以禮讓則庶  
官羣才不濫於進中散大夫守尚書禮部侍郎集賢殿學士判  
院事上柱國汾陽集作陰縣開國子集作男賜紫金魚袋薛邕含和  
保真莫見其際雄詞秘學德行之餘信厚可親朝之英達往者  
潤色鴻業煥發絲言之美又與五經緒儒質正石渠之論擢以  
公望貳于秩宗豈惟人神之和兼舉孝行一作梯之目鑒裁高郎

加以直清進退可否歸於精實慎乃服命五年如初擇吏辨言  
宜當盛選無易前政副於得人可守尚書吏部侍郎餘如故主  
者施行

授楊綰吏部侍郎制

前人

門下興化在於官人掄才歸於吏部佐平邦典選重朝倫朝邑  
大夫守尚書左丞集賢殿學士副知院事兼脩國史楊綰澹雅  
貞亮弘其素範學究先儒之旨文高作者之興三揖而進能守  
謙光一命而僂不志恭敬須司綸言兼掌史筆嘗亦秉直夙推  
無對領春卿左轄之任有奏議紀綱之績令猷自洽厚德彌彰  
叅我密啓屬於清監當勵躍纓之操不遺刈楚之才敬爾在公  
無替厥服可尚書吏部侍郎餘如故

授柳公綽吏部侍郎制

白居易

勅京兆尹兼御史大夫柳公綽長吏數易為害甚多邇來都畿  
未免斯弊或苛急而人重困或懦集作弱而姦不息得其中者  
其公綽乎細大必躬親剛柔不吐茹甚稱厥職惜而不遷然智  
者常憂中者常勞亦非吾以平施御臣下之道也尚書六職天  
官守之辨論官材澄汰流品比諸內史選妙秩清詢衆用能無  
易公綽爾其集作飭射承命以裴王崔毛為心苟副吾言用稱  
乃職而今而後亦可往而不適我可尚書吏部侍郎

文苑英華卷第三百八十七

登仕郎胡

柯

鄉貢進士彭

叔夏

校正

文苑英華卷第三百八十八

中書制誥九

南省四

兵部侍郎

授唐奉一兵部侍郎制

李嶠

鸞臺叅貳百揆樞衡九法是司邦政尤切帝難具官唐奉一字

量深明襟懷雅正文場得隼翰苑推工瑣闥一作閫內朝致延譽

之美珪符出守樹威恩之績永言禁暴事切安人俾昇五戎之

府佇諧九流之選可夏官侍郎

授裴淮兵部侍郎制

蘇頲

門下通議大夫行中書舍人上柱國正平縣開國男裴淮敏學

聰亮雅詞微婉揚秋具體夙夜在公精義折於連環規矩同於

匪石久典清密見稱忠信簡稽之務軍國是殷宜擢美才俾敷

戎政可尚書兵部侍郎勲封如故主者施行

授張均兵部侍郎制

孫逖

門下六官之任夏卿尤重貳職之選時望惟屬正議大夫行尚書戶部侍郎上柱國燕國公賜紫金魚袋張均才略經通文詞濟美修身自達擅鴻陸之羽儀莅事無難有龍泉之斷割累拜省闈彌彰器用芳蘭可久垂棘重歸宜允副於僉擇俾增修於舊政可行尚書兵部侍郎散官勲封如故

授李彭年兵部侍郎制

前人

勅朝議大夫守太僕少卿上柱國趙郡開國公李彭年清和稟識博雅為文堅貞懷匪石之心果斷有剌鍾之利夏卿之亞歲調方殷缺官而擇至公斯在宜副才難之選將觀試可之能可判兵部侍郎事散官如故

授李岷武部侍郎制

賈至

門下金蜀奧區梁岷設險時清作鎮恒難其人况中夏未寧皇上南幸益州之政允資忠諒非親非賢何以兼腹心爪牙之任前襄陽大守李岷貞固簡肅宗枝標秀歷踐中外咸克有声今巴屬之地佇鑿駐畢舉爾以文武之才倚爾以維城之固且小馬之職連率之重兼而處之不曰厚寄懋哉厥德無替朕命可行武部侍郎

授柳公綽罷監鐵守本官兵部侍郎制 白居易

勅具官柳公綽昔先黃帝知爾有材元和已來應用不暇及領權筦漕運之務屬陵寢郊立之禮財給事集時乃之功宣有轉移以均勞逸况聞牢籠無遺利課督有常規今詔刑部尚書播代之亦令守而勿失朕將興禮化先務根本凡百職事悉歸有

司惟茲夏官實掌戎政簡稽調補今方其時司馬貳卿佐平邦國是爾本職無志增脩可依前件

授盧知猷兵部侍郎制

薛廷珪

勅叅斷時政允屬公卿鎮重周行式資舊老而叙世掄選率尚英華俾我洪儒碩生軋軋不進汲長孺於馬與歎燭之武是以有詞思求其人夕惕若厲爰有良輔協吾此心且言爾前尚書右丞盧知猷在和武光孝皇帝朝以文學詞賦擢進士第登弘詞科舊相列藩羔鴈交辟雅有淑問鬱為名儒及我懿考踐作歷練省郎署官常兼史職藹然直聲著在筆削先皇帝嘗輟自朝右再委方州饒陽上洛之人于今懷爾之德旋掌誥命函服寵榮逮于冲人歷事四帝出入華顯諳練故實子雲之筆禮有名周昌之厚重無黨鎮吾風俗繫爾秉持遂用委以五兵贊予

九法服我休命稱茲東求往惟欽哉無墜成績兵部侍郎

戶部侍郎

授源乾曜戶部侍郎制

蘇頌

黃門正議大夫行少府監上柱國安陽縣開國男源乾曜思愬事端言思政要外則經通成務內則周密知微其職也清以文守法尚方愛費已稱寶王之府司徒帥屬更重神仙之闈宜副朝獎莅于邦教可行尚書戶部侍郎散官勳封如故主者施行

授常濟戶部侍郎制

孫逖

勅朝散大夫守京兆少尹奉明縣開國男常濟衣冠吉士文雅清才蘊忠信於身謀傳孝友於門德明而克允遇理必通剛則近仁臨事能斷自升華省迨佐神州皆有令名咸歸雅望地官之亞朝選尤難我其試哉無替厥命可試尚書戶部侍郎散官

封如故

授韓滉戶部侍郎制

前人

門下周有地官小司徒佐敷五教魏置度支尚書以濟軍國之用政有餘地然可兼之政議大夫行尚書右丞韓滉惟先臣左右列祖格于皇天濟美之美中朝所重好學師古潔其清純文不流放言無枝葉素練成式用推至公所更之任事可垂遠久司臺轄嘗亦官人姦吏無竄其情群才各序其一作位今戶版不實地征未均每歲經費以之匱竭迺者命使以愬領且非典故擇郎以專掌又慮權輕歸于有司期在折衷昔杜元凱之處斯職內以利人外以救邊法可施行者五十餘條以資當時之急委注煩重宜熟計之可行尚書戶部侍郎專判度支散官如故主者施行

授牛僧孺戶部侍郎制

白居易

勅戶部侍郎周之地官小司徒也掌天下口集作田戶之圖生齒之籍泉二字集作泉賦役貨弊之政令以待國用而質歲成元和之還日益寵重善其職者多登大任中茲選者莫匪正人誰其稱之我有邦彥朝議大夫集作朝議郎守御史中丞上柱國賜紫金魚袋牛僧孺自舉賢良踐歷臺閣秉潤色筆提糾繆綢而書命無繁詞決事無留獄受寵有憂色納中多苦言朕心知何用不可夫以人曹之重如彼僧孺之賢若此俾居是職不亦宜乎可守尚書戶部侍郎散官勳賜如故

刑部侍郎

授閻伯璵刑部侍郎等制

常衮

門下古者叅用名儒典領大郡或連書課績之最則次補公卿



之缺今甄陶政化黜幽陟明若二千石理行第一中朝右職懸以相待俾長吏知勸至大行銀青光祿大夫婺州刺史本州團練守捉使樂陵縣開國男季羔等早以文章侍俊潤色練言朝夕論思處正廷議名高德厚推重周行歷踐藩部集作一其政理本經術以制事叅禮法以訓人約已集作馭物以約已而下不勞靜以存議而吏不擾風淳俗泰表率方州懋能入遷美選無易慎平秋典給事黃門副子簡求以稱厥服伯璵可行尚書刑部侍郎散官勳如故季羔可行給事中散官封如故主者施行

授王翊刑部侍郎制

前人

門下書曰惟敬五刑以成三德秋官之任也貳卿良選其在茲乎充冊回紇可汗使王翊力行近乎仁率性之謂道學以博物文能變風出入中外茂昭聲實靜而居易受不辭難使乎四方不辱君命斯之謂矣今丕敵未明東序未允命爾作小司寇敬平邦憲在寬可行刑部侍郎

授畢誠除刑部侍郎制

杜牧

勅士師臯陶之恤刑之寇蘇公之用獄既盡哀敬能致洽平擢為大僚膺茲慎選出於予志委以誠臣翰林學士朝散大夫守中書舍人上柱國平陰縣開國男食邑三百戶賜紫金紫魚袋畢誠學臻閫奧文越拘孿常以忠信用為前後爰自郎署擢居內廷謀議有同於壽王竒異輟委於嚴助竭盡心力裨補機要既久歲序須議遷昇今者耕夫服田戎馬不駕欲使凡一手足皆獲措置是故用汝典予刑罰汝其往哉吾今告汝吾聞孔子曰古之聽獄求所以生之今之聽獄求所以殺之宜念格言深

思論要勉服休命以稱朕意可權知尚書刑部侍郎散官勳封賜如故

禮部侍郎

授楊綰禮部侍郎

賈至

門下鯨鯢初懸理化未洽思敦馳騫之俗必弘廉退之風太常少卿兼修國史楊綰質稟天和才優才雅理能自暢學不為人自委身於周行孤立於中道喜愠莫形於顏色外物無得而親踈聲問日高志致彌遠固足以抑揚雅俗弘獎素風宜貳職於南宮仍屬詞於東觀俾難進之夫增氣干仕之子知慙斷彫澄源朕志斯在可守禮部侍郎仍修國史餘如故

授張謂禮部侍郎制

常袞

勅稱秩元祀春官職焉舉秀與庶國朝兼領非文儒碩茂鑒裁精實重於一時者不在此地中散大夫守太子左庶子上柱國河內縣開國子賜紫金魚袋張謂宏達有檢和平易容豈道廣而難周亦言滿而無擇博涉羣涉通其源流振起鴻藻正其聲律翰飛北閣煥發司言居部長人不忘惠訓輔相東禁孝友彰明貳宗伯之掌禮典諸侯之貢士以爾公望副茲眷求可守尚書禮部侍郎散官勳封賜如故

授韋貫之禮部侍郎制

白居易

勅典郊祀之禮獻賢能之書今小宗伯實貳其集作二事非直清明正者不足以處中書舍人韋貫之沉實堅峻文以禮樂行成於內移用於官公直之聲滿於臺閣頃以詞藻選登禁掖秉筆書命時得稱人多集作久積勤勞宜有遷轉可使典禮以和神人可使考文以第俊秀儀曹之選僉議所歸往修乃官無替厥問

可禮部侍郎餘如故

授鄭皇禮部侍郎制

鄭處誨

勅儀曹劇任中臺慎擇惣百郡之俊造考五禮之異同必求上才以允僉屬中散大夫尚書禮部侍郎鄭薰高陽茂族通德盛門秉莊氏之風規蘊名鄉之器業文諧騷雅鼓吹前言譽洽縉領袖時輩操守必脩其謙柄進退常踐於德藩疊中詞科亟升清員持橐列金華之侍揮毫擅紫闈之工貳職冬官克揚休問是用俾司貢籍以振儒風朕以化天下者莫尚於人文序多士者以備時選育材之本惟善是從擧拔既尚於幽貞聳勸勿遺於曹緒無求冠玉無採雕蟲當思取實之方必有酌中之道爾其盡慮以率至公可守禮部侍郎

工部侍郎

授徐彥伯工部侍郎制

蘇頌

門下太中大夫前守蒲州刺史修文館學士上柱國開平縣開國子徐彥伯素履內融清暉外澈學究精密旁通儒者思含飛動高視詞人名與時行位因才致河潤九重先美股肱邸留一月初榮侍考工之任選衆攸稱可守尚書工部侍郎餘如故主者施行

授蔣渙工部侍郎制

常衮

門下夫任賢之急在適於事要當其才難其限階序況中臺政本司舉舊章六卿貳職為今盛選銀青光祿大夫守右散騎常侍郎上注國汝南縣開國公蔣渙忠信孝友周而不器得元和之純能以禮節有至精之妙豈因物遷溢聲華於文藻潤理體於經術中外之秩備更要重不失其正行之有恒自分貂蟬之

列喻公卿之旨入告嘉猷直而不許常執德於沖約亦忘情於  
進趣勤職已久所宜懋能百工惟時命汝典制可行尚書工部  
侍郎散官勳封如故主者施行

文苑英華卷第三百八十八

登仕郎胡

柯

鄉貢進士彭

叔夏

校正

文苑英華卷第三百八十九

中書制誥十

南省五

左右司郎中

授常審規等左司戶部郎中等制

元稹

勅尚書郎會天下之政上可以封還制誥下可以昇負牧守居  
可以優游殿省出可以察視違尤非第一流不議茲選守職方  
郎中上騎都尉常審規等皆歷踐臺閣閑達憲章或蒲歲當遷  
或擇不斯授皆極一時之妙足為三署之光於戲提紀綱而分  
命六聰左右司之職甚重登生齒以北董九賦人曹郎之任非  
輕勉竭彌綸之心勿虛俊茂之舉可依前件

吏部郎中

授慕容珣吏部郎中等制

蘇頌

總目  
賈至

黃門朝請一作散大夫檢校尚書主爵郎中慕容珣在公無撓守

道不回利用特稱其斷割清心自表其剛正正議大夫行商州

刺史上柱國申國公高紹羽儀鸞鷲符采珪璋詣理愈見於昭

明屬詞每聞於警拔九流綜覈五等封建或副為郎之美宜用

選衆之求珣可尚書吏部郎中紹可行尚書主爵郎中散官勳

封各如故主者施行

授韓滉吏部郎中制

賈至

勅尚書郎中佐理六卿事閱政本御史則舉直措枉綱紀周行

非雅正之才難在斯任吏部員外郎韓滉恪慎惇敏具吏且文

一作文夙夜在公咸宜進位可吏部郎中

授常元曾吏部郎中制

常衮

勅朝議郎行尚書吏部員外郎賜緋魚袋常元曾朝請大夫前

行尚書司封集作勳員外郎兼侍御史護軍賜魚元挹等學業優

深詞華通瞻雅有播紳之望列於郎署之間久在劇曹尤推精

密自登膳部克舉彌綸選重一時職叅六興宜膺並拜之寵式

美齊名之論元曾可守尚書吏部郎中散官賜如故元挹可行

尚書吏部員外郎散官勳賜如故

授盧元輔吏部郎中制

白居易

勅六官之屬升降隨時獨吏部郎班秩四諸曹之右歷代迄今

未嘗改也則其典職之重選用之精可知矣洛州刺史盧元輔

深於文敏於行加以剴犀之利洞瞻之明潔而用之無往不通

連領大郡至十三四剴訛剔弊迎刃有聲宜付劇司俾之操制

選曹郎缺用爾補員歲調方殷佇揚乃職可尚書吏部郎中

授盧懿吏部郎中制

崔嘏

勅河南少尹盧懿惣天下之缺員必先閑於吏曹郎然後遠於銓官自非神機穎利識用周密則不得備於斯選也以爾詞絳絢練門緒清華如席許其温恭士林推其端厚自分曹洛汭貳戶三川澹於趨進之途鬱彼靜專之操晦跡而翬浮自遠長鳴而風雨不渝是用徵還首曹榮以題柱必能佐特衡之重任聯藻鑿之清輝勉服官常無孤所舉可依前件

司封郎守中

授王立主爵郎中等制

蘇頲

勅宣義郎守尚書考功員外郎王立學思文華精而典麗朝議郎守侍御史內供奉判官右司員外郎上柱國常虛心神清氣勝敏以甄通或刈於楚翹光有司之課績或提其綱轄肅諸曹之填委一作委靡爰旌二妙宜叶再遷立可守尚書主爵郎中虛心

可守右司郎中散官勳如故

授常僕

總目作環

司封郎中制

賈至

勅司駕員外郎常僕忠義激切智深謀敏懷斷割之利用慨國家之深讐淮海多慮寇戎未殄是擇才彥佐斯旄鉞宜兼臺閣以楸勳庸可司封郎中充淮南行軍司馬兼召募使

司勳郎中

授常博司勳郎中等制

崔嘏

勅常博等頃以邊城命將肇建麾幢當警塵未息之時及燿火尚明之日故於粉署妙選星郎欲以贊克國屯田之謀佐武賢備人之術既而賓筵有耀幕盡居多荐居於沙漠之中爰舍於戎旌之下亦既勞績丞更歲寒念其裛華之誠更復握蘭之美而渙本以文學傳之吏能克踐正途久司宗柘今以三農務急

一作重九扈才難宜遷丞副之榮用陟亞鄉之列無忘素履各服

新恩可

考功郎中

授裴諝考功郎中制

賈至

勅君子立義勇在國而能通故全其節而成其務矣守大子中  
允裴諝言忠信行篤敬有敏才斯可與權有直道磨而不磷造  
次顛沛秉心塞淵宜其獎固之風緝臺閣之政可守考功郎中

授鄭誣考功郎中馮宿刑部郎中等制 元稹

勅二帝三王之所以仁聲無窮績用明而刑罰當也尚書郎專  
是兩者疇將若予僉曰前國子監博士克史館修撰鄭誣文無  
害可以彰善惡守歙州刺史馮宿思無邪可以盡哀敬庶尹百  
民之能否四海九州之性命用汝參斷汝其戒之夫刻則害善

放則利淫僻則不通流則自撓惟是四者時考之難亟則失情  
緩則留獄深則礙恕縱則生姦惟是四者時刑之難八者不亂  
然後可以有志於理矣朕實集作所注意爾其盡心亟可考功郎  
中宿可刑部郎中餘並如故

授趙昌翰考功郎中制

錢翊

勅具官趙昌翰國之舊章繫會府者僅什六七坐曹郎見墜不  
舉焉用官為而善最以法所墜尤重非精材疆力安能舉一作比  
之昌翰以名家子實自修整為縣罷去脩然自安公卿有知已  
之門車馬無致身之跡養善材用益聞精彊是以考績處之且  
欲明試於爾噫擇名曹置名士吾不知設官之始獨為人乎如  
或深思必將召寵可依前件

戶部郎中

授李邕戶部郎中制

蘇頌

黃門朝散大夫守江州別駕李邕探學精奧為文沉鬱謇諤之心動必無撓彌綸之用行則有恒故以高才逸羣懿聲滿聽宜膺板圖之任允光蘭握之選可守尚書戶部郎中散官如故主者施行

授李規戶部郎中制

常衮

勅朝議郎前檢校尚書戶部郎中兼侍御史賜緋魚袋李規志學純備居有彛檢才理精達動無滯用壹執邦憲兼毗使軒處煩行簡從容濟無參我地官之屬首於時俊之科亦既外除尤彰內行正名舊秩以寵迴翔可守尚書戶部郎中散官賜如故

授元稹戶部郎中判度支案制

元稹

勅行刑部員外郎飛騎尉高元稹書云明德慎罰明猷慎之况朕不德茲用省于有司之獄莫不伏念隱悼周知其情惟爾允恭告我詳集作剛罔不率協稽爾明効陟于佗曹大比生齒之書仍掌析毫之牘戎車方駕物力未豐部滯應期斯任不細推爾惟恡之意罔或失財用爾無害之文以懲刻下恡不欲過過則不終文不欲繁繁則不逮率是二集作者時惟厥中可戶部中判度支案散官勳如故

度支郎中

授裴情度支郎中制

常衮

勅朝議大夫前守饒州刺史嗣正平縣開國男賜紫金魚袋裴情達識含精長才致遠彛向晦金璞自明當劇居難干將獨割周歷臺閣綢繆藩鎮休聲異政亦克有終底慎財賦之殷校計軍國一作之用得專其任爰舉舊章佇爾發揮以之瞻濟可尚



書度支郎中散官封賜如故

金部郎中

授蔡秦客金部郎中制

蘇頌

黃門正議大夫行尚書右司員外郎上柱國蔡秦客風格允一作

敏正文詞優洽明以在公直而履道聲馳粉署爰提建理之綱

位愬金曹宜轉司徒之屬可行尚書金部郎中散官勲如故主

者施行

倉部郎中

擬倉部郎中制

劉禹錫

勅周制食人以辨於邦用稟人以待乎匪頒後代或均輸或平

雜皆周官倉廩之職也於戲王者藏於天下吾何私焉收斂以

時儲蓄必謹俾夫凶荒無患貧富克均宜詠京坻之詩勿守豆

區之限可

禮部郎中

授彭景直禮部郎中制

蘇頌

黃門正議大夫檢校尚書禮部郎中上柱國彭景直通理內融

含暉外靜文尚典雅學窮精博故能容臺是則仙闈咸推俾郎

真於蒲歲更惟允於鄉月可行尚書禮部郎中散官勲如故主

者施行

主授程休文文部郎中制

賈至

勅司封郎中程休文郎中應列宿之位御史為準繩之舉紀必

以德任難其人况於四海多虞兩京未復臺省樞要非賢不居

或以節推或以才擇可守文部郎中

祠部郎中

授王璵祠部郎中兼侍御史制

前人

勅知上黨司馬事王璵藏器於身策名清列多才多藝知微知章歷茲艱難屢有籌畫宜兼臺省之任仍愬師戎之後可祠部郎中兼侍御史充招名權宜處置使

主客郎中

授主客郎中制

劉禹錫

勅漢制尚書郎四人一人主營部成帝又署客曹主外國戎狄事皆今主客之任也其後或東西列職左右分名統彼行人之家綏其外臣之務朝聘則定位宴會則辨儀穆我四門深于九譯用委藁街之政克資分署之賢可

膳部郎中

授鄭博雅膳部郎中制

蘇頌

黃門中大夫檢校太子洗馬鄭博雅念業榮暢襟靈開遠備聞前言嘗習故事來遊傳望既增清道之華入奏明光宜副丹墀之寵可行尚書膳部郎中散官如故主者施行

文苑英華卷第三百八十九

登仕郎胡

柯

鄉貢進士彭

叔夏

校正

文苑英華卷第三百九十

中書制誥十一

南省六

兵部郎中

授李懷讓兵部郎中制

蘇頌

黃門朝議大夫行大理正上柱國李懷讓直方在心一作清而

轉勁通明應務吏必兼文故能譽滿簪纓望華臺署鸚鵡作士

雖叅聽棘之言司馬訓兵重踐握蘭之任可行尚書兵部郎中

散官勲如故主者施行

授李暉兵部郎中等制  
孫逖

勅朝議大夫二字一行兵部員外郎李暉等清才雅器人望時

英咸以令名光于俊選自膺推擇久効彌倫宜甄滿歲之勤必

進為郎之秩可依前件

授張顥兵部郎中五據立部員外郎制 賈至

門下上應列宿尚書郎所以稱羨也中持風憲侍御史所以推  
雄也况兼之 翰加以師旅宜求全一作才允迪厥職澤州刺

史張顥有一作貞固之資為幹時之器澤潞司馬殿中侍御史

五據秉溫良之質多利物之才咸提綱憲府佐理戎幕以示修

直展其謀猷必將大耕戰之圖弘臺閣之務或加新秩俾修舊

政顥可守兵部郎中懷州刺史據可兵部員外郎依前行軍司

馬門門 常袞

授邵公兵部郎中制

勅宣德郎前守尚書司勳郎中賜緋魚袋邵說學致其道文達  
其變沉靜有用貞純秉彛藹然盛光名我華省長於奏議多所  
損益佐夏官之劇參戎事之殷膺此俊選佇揚林間可守尚書

兵部郎中散官如故

授李深兵部郎中制

前人

勅朝議郎守衢州刺史賜紫金魚袋李深忠義之門懋昭前烈  
文儒之道弘著休問經通以濟於用廉介以約其心早擅吏能  
備更官吏藩條之重理行允彰亦既休閑頗聞淹久宜膺郎署  
之選或允公才之拜可守尚書兵部郎中散官賜如故

授蕭祐兵部郎中制

元稹

勅兵部郎中佐夏官理邦國以平不若辨九法九伐之重輕稽  
五兵五循之衆寒非踐更臺閣從容問望者不在茲位流品既  
清選任彌重朝議郎守尚書考功郎中上護軍賜緋魚袋蕭祐  
才行忠信達于予聞課吏陟明誕若攸職拾青紫於儒術擅金  
石之揮毫允謂賢能宜當慰薦可守尚書兵部郎中散官勳賜

如故

授楊嗣復兵部郎中制

前人

勅吏部郎中楊嗣復官天下之文武重事也兵部郎中二負一在侍從不居外省旁求其一頗甚難之而執事者皆曰近以文章詞賦之士為名輩由此者坐至公卿閑達憲章用是稀少而吏曹郎嗣復州里秀異議論宏博宜其以所長自多然而操劔吏事細大無遺用副簡求允謂宜稱爾其誠守茲任為予簡稽苟能修明旋議超陟可權知尚書兵部郎中餘如故

授栢耆兵部郎中等制

李虞仲

勅夏官之屬以九法平簡稽司寇之列以三典誥邦禁選用郎吏司為重難朝議郎前使特節婺州刺使上柱國騎都尉賜紫金魚袋栢耆勁正誠明富以材識揚聲禮閣直筆諫垣徵事郎

使持節蘄州刺史驍騎尉蘄州諸軍事賜緋魚袋狄兼謩舊德在人人文風攢興起憲署勞徕疲曠有以( )退自安遇事而後發有以昭融美稱非道而莫選顧茲缺負宜乎並拜懋承寵擢以奉彌綸耆可守尚書兵部郎中散官勳賜如故兼謩可守尚書司門郎中散官勳賜如故

授王正雅等兵部郎中

前人

勅朝議郎守尚書戶部郎中兼侍御史知雜事上輕車都尉賜緋魚袋王政雅朝議郎守尚書戶部郎中上柱國賜紫金魚袋豆盧曙等御史府紀綱中外事雜而繁故常以侍御史一人綜其庶務政無大小罔不閑決繇是得參舉中臺郎之可者以兼領焉既而第其課績以勸能吏陟明者必載遷於省閣當選者復繼入於憲闈此其可以為重也爾等皆以簡愿端明修詞踐

行發強可以守直開敏可以適中嘗遊刃於京邑亦坐籌於戎  
閫臺閣之上聲華益高贊均輸於財征表明慎於郵罰分曹左  
右其用惟新是宜舉五部之雄以將成績授都曹之重以勵兼  
才佇觀稱服之能式副有司之請正雅可守右司郎中兼侍御  
史知雜事散官賜如故盧豆盧曙可

職方郎中

授社

集作源下同

寂職方郎中制

常來

勅朝議郎守尚書度支郎史賜緋魚袋杜寂端一其誠周通於  
事久於膳部頗有敏才亦既詳遠不忘恭慎掌我方志宜從序  
遷可守尚書職方郎中散官賜如故

駕部郎中

授常翹司駕部郎中制

前人

門下武部員外郎常翹貞固幹事達理明權績惟著於在公才  
必聞於處劇遞遷郎署俾膺榮寵可為司駕郎中

庫部郎中

授衢州刺史鄭羣庫部中齊州刺史張士階祠部郎

中制

白居易

勅具官鄭群等今之正郎班望頗重中外要職多繇是遷故其  
所選不得不慎必循名實而後命之羣與士階久典名郡謹身  
化下有循吏之風會課陟明宜當是選國之大事在祀及集作典  
戎一掌祠曹一司武庫各須集作領其要爾宜敬之群可庫部郎  
中士階可祠部郎中

授杜致美大常少卿楊拙庫部郎中制

薛廷珪

勅朕以至公掄才時政用人周行進秩公論惟人如聞右司郎

中杜致美以吾上台寔爾猶子深自抑損不求聞達隱几端居  
不言時事閉關却掃深味道腴夫何山濤魏舒校爾優劣而戶  
部員外郎楊拙始以籍甚之稱洽于名場歷聘侯藩亟踐臺省  
疆學務本履正居中夫何顏駟楊雄侔爾專靜奉常典樂建禮  
含香徇爾清閑明我搜選克敬乃事交修厥官各謂當才無忝  
並命可依前件

刑部郎中

授許季同刑部郎中柱羔戶部郎中待 白居易

勅前長安縣令許季同前萬年縣令杜羔等頃自即署分宰京  
邑而長吏待之小乖常禮雖同辭託疾一作動未得中然遠恥  
以退道不失正各從免職亦既踰時况文行政能皆推於衆詢  
諸時議宜有遷授尚書郎缺方選才良憲部人曹俾膺並命季

同可刑部郎中羔可戶部郎中

都官郎中

授高仲舒都官郎中制

蘇頲

黃門通議大夫行太子洗馬高仲舒洽聞殫見履直居溫士慕  
清暉人推至行崇賢企德已膺洗馬之榮建禮求才宜拜乘鳧  
之寵可行尚書都官郎中散官如故主者施行

授劉崇彛都官郎中制

薛廷珪

勅具官劉崇彛朕聽政之暇耽翫羣書每讀考槃之詩常軫遺  
逸之慮訪于輿論得爾崇彛聞其常抱業試于有司才優數竒  
十上不第言行修整文學該通儒雅之聲著於泮下而以爾令  
弟秉子大鈞鴻飛冥冥不近賢終從軍試吏亦曰疆名苟徇爾  
私其如公議是用陟居華省寵以郎曹典制六官之重伏奏青

蒲之上疇爾夙志予思不輕凡百未申宜體朕樂善興能之意無患於不知也可

比部郎中

授比部郎中制

劉禹錫

勅周以司會質歲成漢以計相經國用或考百官之要或制三年之期稽以簿書辨其名物俾夫會筭必得經費無差克選望即以前計吏可

司門郎中

授柳渙司門郎中制

蘇頲

勅朝議郎前行左司員外郎柳渙色莊心勁瞻學能文堅守憲章務從條理為時所重蒲歲當遷宜罷臺轄更司門鍵可守尚書司門郎中散官如故

工部郎中

授京畿制置使判官兼中丞賜紫李巨川可守工部

郎中制

錢珣

勅具官李巨川夫疆學者始自為己移於事人君（齊美儒先登志士之場優於羣書之域中權之佐前者實高多務講直歸翼戴爾所自比我能知之推共獎王室之心幕不以兵車之力文翰之樂迅捷若飛雖觀者已煩而作者甚暇陪臣盡善賢帥盛稱上既策勳下難遺賞且升郎位如事所知理在庶官勉興墜典常聞好古當念陟明可依前件

屯田郎中

授屯田郎中制

劉禹錫

勅詩云雨我公田遂其我私蓋美大田之盛思賢主之詩人必



先公而後私者借力而耕其來尚矣周以司徒益職漢以待郎  
訓田今則務切如雲任事列宿愬于豫疑政克籍公才可

虞部郎中

授王踐睦虞部郎中制

蘇頲

黃門中散大夫檢校太子佐贊善大夫王踐睦明敏績練習容  
雍閑雅聲直在公政曉為吏往還臺閣已叶於初從今掌衡虞  
俾光於重入可行尚書虞部郎中散官如故主者施行

授李翱虞部郎中

白居易

勅金州刺史李翱雅有文藝飾以政事早從吏職久領郡符謹  
慎廉平頗副所任虞曹郎缺命以序遷敬茲寵名勉守厥位可  
尚書虞部郎中

水部郎中

授河中郎度判官温緒水部郎中制 薛廷珪

勅天子省方藩后述職睦隣事大允執厥中偃革崇儒行成於  
內我知之矣彼有人焉具官温緒懿祖考為朝廷大臣偉望威  
名皆烜赫然使而爾砥節礪行脩詞立誠抱終身之憂脫屣科  
第仗四方之志服勤官途束帶公朝曳裾侯府刃有餘地人無  
聞言朕以釁結切胡官蒲兵纏封城藏書之府煨燼罕存爰委  
藩宣為我採摭而爾能奉綸旨貢之書欵先王之格言廣我視  
思列聖人之行事規我怠荒實嘉乃心斯驗夙志爾帥具舉予  
懋遷昇之文昌以清署用酬稱職以勸人事凡  
百賓階志幕畫可尚書水部郎中

文苑英華卷第三百九十

登仕郎胡柯

鄉貢進士彭叔夏

校正

程